



Жалағаш

ЖАРШЫСЫ



№16 (9903)
25 ақпан,
сенбі
2023 жыл
Газет
1934 жылғы
10 қаңтардан
бастап шығады.



AMANAT

**ДАУЫС БЕР!
НАР ТӘУЕКЕЛ!
МЕН ХАЛЫҚПЕН
БІРГЕМІН!**



**КУРМАНБАЕВА
ГУЛЗАТ**

Қаржысы республикалық бюджеттің қаражатынан төленді

**19
НАУРЫЗ
МАРТА
2023**



**ДАУЫС БЕРУГЕ
ШАҚЫРАМЫН!**

Жалағаш аудандық мәслихат
депутаттығына үміткер



**САДУАКАСОВ
БАКЫТЖАН**

Қаржысы республикалық бюджеттің қаражатынан төленді

Бәрекедді!

«Жеті қазына» жұмысын бастады

Ауданға тағы бір жаңа балабақша, жаңа нысан. Иә, күні кеше Дәуімбай елді мекені тұрғындарының қуанышын еселеген игі іске куә болдық. Ауданымыздың аталған бөлігінде біраздан бері құрылысы аяқталып, жаңадан бой көтерген «Жеті қазына» балабақшасының ашылу рәсімі өтті. Аудан басшылығы бастаған бірқатар ел ағалары, жергілікті кәсіпкерлер айтулы шараның құрметті қонағы болып, жұртшылықтың қуанышына ортақтасқан еді.

Нұржамила АЛМАСҚЫЗЫ

— Білімге құйылған инвестиция — болашақтың игілігі жолындағы оң қадам. Осы тұрғыда білім саласына жанашырлық танытып, балабақша салған кәсіпкерге елдің атынан алғыс білдіреміз. «Жеті қазына» — ауданымыздағы көлемді балабақшалардың бірі. Мұнда 120 балаға дейін мектепке дейінгі тәрбиені беруге мүмкіндік бар. Аудан кәсіпкерлерінің білім саласына аса мән беріп, осындай игі істерді қолға алғаны келер ұрпақтың болашағына алаңдағаны деп түсінеміз. Бір жағынан жаңа нысандардың көптеп бой көтеруі кенттің көркеюіне септігін тигізеді. Жалағаштың өркендеуі жолында тың жобаларды жүзеге асырып жүрген жандармен біз мақтанамыз, — деген аудан әкімі Асқарбек Есжанов аудан бойынша ана мен балаға ерекше көңіл бөлініп, бүлдіршіндерге мейлінше алаңсыз өмір сүруі үшін жағдай жасалып жатқанын жасырмады.

Расымен тілі енді ғана былдырлап шыға бастаған бөбектерді мектепке дейінгі тәрбие беру орындарына беру оларды бауырмалдыққа, өзіне-өзі қызмет ете білуге, тұлға ретінде қалыптасып, кемелденуіне үлкен септігін тигізеді. Олар ошақ қасынан балабақшада ойын дамытуға, көпшілік ортада өзін ұстай білуге, жоғары адамгершілікке және білімге деген құштарлығын оятуға одан ары арттыруға мол мүмкіндік алады. Бүгінгі біздің қоғамның басты талабы да осы. Жан-жақты жетілген, ақыл-парасаты толысқан, ұлтжанды ұрпақты қалыптастыру. Әрине қоғамға пайдалы азамат тәрбиелеуде балабақшалардың маңызы зор. Біздің



ауданда да қаншама бүлдіршінді қанатының астына алып, мектепке дейінгі білім беретін балабақшалар көп. Енді міне, осындай бөбекжайлар қатары тағы бір жаңа нысанмен толықты.

«Жеті қазына» балабақшасының салтанатты ашылу рәсімінде ел ағалары да бала тәрбиесінің негізі балабақшада басталатынын тілге тиек етіп, жаңадан игілікке берілген нысан осы жолда елеулі еңбек ететініне сенім білдірді. Мұнан соң балабақшаның салтанатты түрде лентасы қиылып, аудан басшылығы, жиылған жұртшылық жаңағимараттың әрбір бөлмесімен танысып шықты. Содан соң бүлдіршіндер дайындаған бағдарламаны тамашалап, көңіл сергітті, балалық шаққа бір саяхат жасады.

Айта кету керек, аталған жаңа нысанның құрылыс жұмыстары толықтай аяқталып, осы жылдың 1 ақпанынан бастап жұмысына кіріскен

еді. Жалағаш кенті Келменбет батыр көшесінде орналасқан балабақшаның сыйымдылығы — 120 орындық. Бүгінгі күні «Жеті қазына» балабақшасында 18 қызметкер жұмыс жасайды. Оның ішінде 10 педагог, 8 техқызметкер бар. Сонымен бірге 2-6 жас аралығындағы 76 бала тәрбиеленіп отыр.

«Балаларға мектепке дейінгі тәрбие беруде балабақшалардың маңызы зор екені белгілі. Бір жағынан уақыт сынаптай сырғыған заманда қарбалас тіршіліктен бас көтере алмайтын ата-аналар балаға саналы тәрбие беріп үлгермесі анық. Сондықтан әрбір отбасы өз еркесін бар күш-жігерін, алтын уақытын балаға сарп ететін бөбекжай тәлімгерлеріне сеніп тапсырады. Мұнда өзі қатарлас балғындармен араласып, тілі шығады, әріп таниды, санауды үйренеді, еңбекқорлыққа, бауырмалдыққа бейімделе бастайды. Ал біздің мақсатымыз — сол әр үйдің еркелеріне тәлімді тәрбие

беріп, мектепке дейінгі берілуі керек білімді уақытында санасына сіңіру. Мұндағы тәлімгерлердің барлығы осы бағытта аса жауапкершілікпен жұмыс істейтін болады» деген балабақша меңгерушісі Бағжан Айбекова ең бастысы дәуімбайлық ата-аналар балабақша жасындағы балаларын кенттің бергі бетіндегі бөбекжайларға тасып ауре болмайтынын айтады.

Апта соңындағы игі іске куә болған жалағаштықтар білім саласына жасалып жатқан қолдау мен көмекке риза болды. Әсіресе ауданда осындай заманауи типтегі жаңа нысандардың бой көтеруі, ел игілігіне жұмыс істеуі ортақ қуаныш екенін айтып, алдағы уақытта да байлық бастамалар мен жарқын жобалардың жүзеге асқанына куә болатынына сенім білдірді. Ал салтанатты түрде ашылған «Жеті қазына» жұмысы ары қарай жұмысына кірісіп, балалардың тәрбиесі мен күтіміне ден қойды.

Тағзым



Елім дейтін ер болса, ерім дейтін ел болар

«Тау тұлға, темір тұлға» атанған Темірбек Жүргеновтың есімі бүгінде иісі қазаққа, тіпті Орта Азияға етене таныс. Ол — Қазақстан мен Орта Азия республикаларындағы оқу-ағарту, мәдениет және әдебиет саласының өркендеуіне өлшеусіз үлес қосқан көрнекті мемлекет және қоғам қайраткері, ұлт жанашыры. Биыл осынау Алаштың асыл заманатының туғанына 125 жыл толып отыр. Жалпы, Темірбек Қараұлының мемлекет қайраткері ретіндегі тұлғасын одан әрі жан-жақты дәріптеу, оның еңбектерін өскелең ұрпаққа жеткізу мәдениетіміз бен ұлт руханияты өркендетуде маңызы зор. Мінеки, осы үдеде сәрсенбінің сәтті күнінде Жалағаш ауданы әкімдігінің қолдауымен мемлекет және қоғам қайраткері Темірбек Жүргеновтың 125 жылдық мерейтойына арналған «Түркі әлемінің Темірбегі» атты облыстық жас ақындар айтысы өтті.

Жандос ЖАЗКЕН

Дүбірлі додаға аймағымыздан бабы мен бағы келіскен 12 жас айтыскер ақын қатысып, аудан халқын тамаша жырларымен сусындатты. Айтысты руханият жанашыры, аудан әкімі Асқарбек Есжанов ашып, қатысушыларға сәттілік тіледі.

— Мемлекет және қоғам қайраткері Темірбек Жүргеновке биыл 125 жыл толып отыр. Жалпы, Темірбек Қараұлы — тек қазақ еліне ғана емес, иісі түркі әлеміне ортақ ұл. Олай дейтініміз қайраткер Тәжікстанның

қаржы министрі, Өзбекстанның білім министрі және өзіміздің оқу-ағарту министрі қызметтерін абыроймен атқарып, елдіктің, мемлекеттіліктің қалыптасуына, одан қалды мәдениеттің, білімнің, жалпы руханияттың өркен жайып дамуына сүбелі үлесін қосты. Темірбек Жүргенов есімі ұлтын сүйетін қауым үшін құнды, себебі ұлттың қаймағы, ұлттың рухы, ұлттың коды мәдениет пен білімге айрықша еңбек сіңірді. Ауылдық жерлердегі елді мекендерде

тұратын барлық өнерпазды бір ортаға шоғырландырып, қазақтың мәдениеті мен өнерінің 10 күндігін Мәскеуде ұйымдастырды. Сондай-ақ осы салада көптеген ауқымды реформа да жүргізді. Қазақ опера театрының негізін қалады. Тіпті Ахмет Байтұрсынұлымен бірге қазақ әліпбиінің дұрыс жұмыс жасауына ықпал етті. Темірбек Жүргеновты тек қоғам және мәдениет қайраткері ғана емес, ұлтың дінін, тілін сүйетін нағыз ұлтжанды азамат ретінде де

тануымыз қажет. Евгений Брусиловскийдің Темірбек бабамыз туралы айтқан анықтамасы бар. Бірде Темірбек Қараұлы өзінің шағын кабинетінде 30 адамға мәжіліс өткізіпті. Мәжілісте 2-ақ орыс, қалғандары қазақ еді. Қайраткер мәжілісті тек қазақ тілінде жүргізетін көрнеді. Бір кезде Орлов деген орыс шағымданыпты. «Темірбек Қараұлы арасында орысша сөйлеңізі, маған түсініксіз болып отыр» деп. Сол кезде Темірбек Қараұлының жүзінең жанарынан жалын атып, қаһарланып «Сіз қайда жүрсіз? Қай елде жүргеніңізді ұмытпаңыз, қай елде жүрсіз, сол елдің тілін үйреніңіз» деп шаптал жауап берген. Міне, Темірбек Жүргеновтың бойында ұлтжандылық, елжандылық қасиеттерін, еліне деген ерекше сүйіспеншілігін, қайраткерлігін осыдан-ақ байқауға болады. Біздің осындай үлкен шара өткізуіміздің бірден-бір себебі жоғарыда айтылған жағымды қасиеттерді бабамыз арқылы жас ұрпақтың бойына сіңіру болып табылады, — деді аудан әкімі Асқарбек Темірбекұлы.

№1 сайлау округі бойынша Жалағаш аудандық мәслихат депутаттығына кандидат Садуакасов Бакытжан Бекетовичтың өмірбаяны мен сайлауалды бағдарламасы

Өмірбаяны

Садуакасов Бакытжан Бекетович 1969 жылы 26 мамырда Жалағаш ауданында дүниеге келген. 1976-1986 жылдары аралығында аудандағы №31 орта мектепте білім алған. 1987-1989 жылдары аралығында әскер қатарында болып, Отан алдындағы борышын өтеді. 1990 жылдан бастап жеке кәсіппен айналысып келеді. Отбасылы, 5 бала тәрбиелеп отыр. Ешқандай партия қатарында жоқ.

Елдің мәселесі ертеңге қалмасын

Әр азаматтың елінің, туған өлкесінің алдында атқаратын перзенттік парызы бар. Мен де Жалағаш кентінің тумасы ретінде Жалағаш аудандық депутаттығына кандидат болып тіркеліп, елдің ішіндегі мәселелерді мінбер арқылы билікке жеткізіп, оңтайлы шешуді мақсат еттім. Сол үшін төмендегі бағдарламды ұсынып отырмын.

Сайлауалды бағдарламасы

Менің мақсатым – халықтың өзекті мәселелерін шешуге көмектесу, дауыс берушілерімнің туындаған сұрақтарын, үмітінің ақталуы үшін қолымнан келгенін бәрін жасаймын.

Кент тұрғындары үшін нақты нәтижелерге қол жеткізуге, халық пен елге қызмет етуге дайынмын. Кенттің алдағы атқарылатын жоспарларын және халықты толғандыратын мәселелердің шешімін табуға атсалысамын.

Кенттің даму бағдарламасының жүзеге асырылуына ықпал жасайтын боламын.

Бұл жұмыстарды атқаруға маған сенім білдірілсе, сенімді ақтау халық қызметшісі ретінде міндетім және борышым деп білемін.

Нақты істе кенттегі түйткілді мәселелердің және тұрғындардың қажеттіліктері мен күетін нәтижелерін келесі

басымдықтар төңірегіне топтастырып қарайтын боламын.

Азаматтық қоғамдық бақылауды күшейту

Үкіметтік емес ұйымдар да түрлі салада қоғамға пайдалы жұмыстар жүргізіп, мемлекет пен қоғамның өзара байланысын қамтамасыз етуде. Дегенмен қоғамдық көңестер мен үкіметтік емес ұйымдар қызметінің белсенділігін, нәтижелілігін арттыру талап етіледі. Тұрғындардың мұң-мұқтажын билікке жеткізудің тиімді әдісі қажет.

Осыған байланысты «Халық үніне құлақ асатын мемлекет» тұжырымдамасы аясында азаматтық белсенділіктің артуына, мемлекеттік органдардың дұрыс шешімдер қабылдауына азаматтардың кеңінен қатысуын қамтамасыз етуге үлес қосамын.

Басты назарда қоғамда сыбайлас жемқорлыққа қарсы мәдениетті қалыптастыруға, аудандағы мемлекеттік ұйымдарда ашықтық, жариялық, азаматтар үшін қолжетімділікті арттыру, кәдергісіз орта қалыптастыруға азаматтық бақылау жүргіземін.

Бүгінде қоғамдық тәртіп босаңсып кетті. Жастар арасында бұзақылық көбейді. Елдің бірлігі қоғамның тыныштығына басталады. Сол үшін мен бірінші кезекте қоғамдық тәртіпті күшейтуге ықпал жасаймын.

Тазалық – қоғамның айнасы

Кенттің тазалығы мен үшін де, тұрғындар үшін де аса маңызды. Сондықтан тазалыққа назар аударамын.

Кенттің ішкі көшелерін асфальттауға ықпал жасаймын. Бүгінде мәселеге айналып отырған кент көшелерінің қозғалысын ретке келтіруге ықпал етемін. Кенттің кей көшелерін заңсыз қоршап алуды тоқтатып, тас төселуіне ықпал жасаймын.

Аудан халқына көрсетілетін тиісті медициналық қызметтің сапасын арттыруды басты назарда ұстаймын.

Кәсіпкерлік саласын дамытуға, өсірісе шағын және орта бизнеске қолынан іс келетін жаңашыл жастардың көптеп бет бұруына ықпал етемін.

Қазірде ел аумағындағы басты мәселе – тұрғындардың әлеуметтік жағдайы. Соның ішінде азық-түлік бағасының қымбаттауы. Осы ретте мен нарық бағасын тұрақтандыру үшін әлеуметтік дүкендер ашылуына ықпал жасаймын.

Жастар тәрбиесіне көңіл бөліп, оларды спортқа бейімдеудің қосымша тетіктерін іске қосуды назарда ұстаймын. Спорт алаңдары мен балалар ойын алаңдарының көптеп салынуына көңіл бөлемін.

Жұмыспен қамту жол картасы шеңберінде жұмыссыз жастарды жұмыспен қамтуға атсалысамын, яғни мемлекеттік ұйымдарда зейнеткерлік жасында жұмыс жасап жатқан адамдарды жұмыс орындарынан босатылуына ықпал жасаймын.

Балалар – біздің болашағымыз «Жайлы мектеп» ұлттық жобасына сәйкес кентте 300 орындық білім ошағының салынуында, яғни бағдарлама нәтижелеріне жету үшін мониторинг және бақылау жүргізілгеніне қадағалаймын.

Құрметті тұрғындар!

Жоғарыда атап өткенімдей, халық мүддесіне сай болуына басымдық беремін. Ауданның алуан түрлі мәселелерін шешу үшін құзырлы мемлекеттік органдармен бірге ұсыныстар қарайтын боламын.

Мен сіздермен бірге өсіп-өнген жерімнің, туған елімнің дамуына өзіндік үлес қосуға дайынмын.

Құрметті сайлаушылар!

Әділетті Қазақстан, берекелі қоғам жай сөз күйінде қалмауы тиіс. Еліміз әділеттілік орнаған мемлекетте берекелі қоғамның өкілі болуы үшін алдымен осындай ортаны өзіміз қалыптастыруымыз керек. Бұл ұстанымымыз жүзеге асыруға менің қарым-қабілетім, күш-жігерім жететініне сенемін. Ендігі жерде елдің сенімі бәрінен жоғары.

Бағана сөз басында зейнеткерлікке шықса да, әлі де жұмыс жасап жатқан адамдардың біздің қоғамда барын айттым. Мен не үшін олармен күрескім? Біріншіден, біреуді нәпақасынан айыру мүлде ойымда жоқ. Егер жастар



арасында жұмыссыздық мәселесі белең алмаса, мен бұл мақсатты сайлауалды бағдарламамда қамтымаған болар едім. Сондықтан мемлекеттің кемел көпешегі болып саналатын жастардың жұмыссыз жүруіне түбегейлі қарсымын. Жұмысы жоқ, бос уақыты көп адамның кейде қоғамға зияны тиіп жатады. Ал біз оларды жазалаумен шектелмейміз. Демек мәселені күрескеннен оның алдын алған абзалырақ екенін түсінетін уақыт әлдеқашан келді.

Қадірлі жерлестер, құрметті сайлаушылар!

Барлық мақсат-міндеттерімді жоғарыда айттым. Маған берілген әрбір дауысты артылған сенім деп білемін және сол сенім үдесатын шығуға қашанда дайынмын. Баршаңызды алдағы саяси науқанда өз таңдауларыңызды жасап, маған дауыс беруге шақырамын. Тағы да қайталап айтамын, елдің мәселесі ертеңге қалмауы тиіс.

Қаржысы республикалық бюджеттің қаражатынан төленді

№1 сайлау округі бойынша Жалағаш аудандық мәслихат депутаттығына кандидат Курманбаева Гулзат Ермаулетовнаның өмірбаяны мен сайлауалды бағдарламасы

Өмірбаяны

Курманбаева Гулзат Ермаулетовна 1966 жылы 10 сәуірде Қызылорда облысы Жалағаш ауданы Жаңаталап ауылында дүниеге келген.

1988 жылы Н.В.Гоголь атындағы Қызылорда педагогикалық институтын тарих және қосымша француз тілі мамандығы бойынша бітірген.

Еңбек жолын 1988 жылы Сырдария ауданындағы №142 орта мектепте тарих пәні мұғалімі болып бастаған.

1990-2005 жылдары Жалағаш кентіндегі №201, №202 орта мектептерде тарих пәні мұғалімі;

2005-2009 жылдары Жалағаш аудандық білім бөлімінің бас маманы, бөлім бастығының орынбасары;

2009-2016 жылдары Жалағаш кентіндегі Ш.Ермағанбетова атындағы №246 орта мектеп директоры;

2016-2021 жылдары Жалағаш аудандық білім бөлімінің басшысы;

2021-2023 жылдары жетінші шақырылған аудандық мәслихатының депутаты, Жалағаш аудандық мәслихат хатшысы.

Мен халықпен біргемін!

Бүгінде тұрғындарды толғандыратын мәселелердің оң шешім табуына атсалысу, қоғамның өзекті сұранымдарына сай әрекет ету мақсатында аудандық депутаттығына кандидат ретінде тіркеліп, депутат болуға бел будым. Себебі аймағымыздың әлеуметтік-экономикалық дамуын арттыруға үлес қосу, халыққа қызмет көрсету және сайлаушылардың мүддесін қорғауды өзіміз азаматтық парызымыз деп санаймын.

Мен сайлаушылардың сенімін иемденіп, депутат деген мәртебелі мандатқа қол жеткізсем, алға қойған мақсаттар мен жоспарларымызды орындау бағытында және ауданымыздың өсіп-өркендеуіне өзімнің бұған дейін жинақтаған білім-тәжірибемді, іскерлік қарым-қабілетімді аянбай жұмсайтын боламын. Сол себепті төмендегі сайлауалды бағдарламды сіздерге ұсынамын.

Сайлауалды бағдарламасы

Аудан тұрғындарын қолайлы жағдай жасау мақсатында Жалағаш кентіндегі ДЭУ мен Сәрке батыр, М.Шаменов, Қ.Нұрпейісов, Бұқарбай батыр, Төле би, А.Ізтелеуова, Шоңбай ақын, М.Бәйтөреев көшелеріне күрделі жөндеу жұмыстарының жүргізілуіне атсалысып, оның сапалы болуын қадағалаймын.

Кент орталығында теміржол арқылы өтетін жауа жүргізушілерге арналған аспалы көпір құрылысының сапалы жүргізілуін бақылауда ұстаймын.

Кенттегі Т.Үркімбаев көшесі мен Төле би көшесінің аяқ жағында арықтандыру бойынша мәселелер бар. Осы мәселенің оң шешілуі бойынша тиісті атқарушы органдармен жұмыс жасаймын.

Тұрғындар арасында тазалық мәдениетін қалыптастыру бағытында көркейту-кегәлдандыру жұмыстарын жандандыруға күш саламын.

Кәсіпкерлік – ел дамуына қосылатын қомақты үлес

Ауданымызда шағын және орта кәсіпкерлікті дамыту және жұмыссыздықты азайту бағытында тұрғындарға қайтарымсыз гранттар мен төмен пайызбен шағын несиелер беруге атсалысатын боламын. Жергілікті бюджетке қосымша кіріс көздерін ашу жолдарын қарастырамын.

Аудан орталығындағы мия тамырын өңдеу зауытының жұмысын жандандыру жөніндегі халықтың ұсыныстарына қолдау көрсетіп, жүзеге асыуына және жаңа жұмыс орындарының ашылуына ықпал етемін.

Құрылыс жұмыстарының сапасы бақыланады

Кенттегі орталық стадионның қазіргі жағдайы сын көтермейді және жөндеуді, қайта жаңғыртуды қажет ететіні белгілі. Сондықтан орталық стадионды қайта жаңғырту жұмыстарын жүргізуге жұмыс жасаймын.

Аудан орталығындағы 300 орынға арналған №123 мектеп-

лицейінде оқитын оқушылар санының жылдан-жылға артуына байланысты орын тапшылығы айқын сезіледі. Осыған байланысты №123 мектеп-лицейдің жанынан 200 орындық қосымша ғимарат құрылысын жүргізуге атсалысамын.

Кент орталығындағы көпқабатты тұрғын үйлерді жөндеуден өткізу, алаңдарын ретке келтіру және балаларға арналған ойын алаңдарын салу қажеттігі бар. Аталған жұмыстардың жүргізілуіне, оның ішінде Т.Үркімбаев көшесіндегі көпқабатты 2 тұрғын үйді күрделі жөндеуден өтуіне ықпал етемін.

«Жайлы мектеп» жобасы аясында кент орталығында 300 орындық мектеп құрылысының жүргізілуіне ықпал жасаймын.

Жастар – елдің болашағы

Жастар бастамаларын ескере отырып, олардың тегін оқып, мамандық алуына, жұмысқа орналастыруға және жастардың өмір сүру деңгейін арттыруға қолдау көрсетемін.

Жастардың өз сүйікті ісімен кәсіби айналысуына қолдау көрсетемін. Осы арада аудан жастарының жеке кәсіпкерлікке бет бұруына ықпал жасап, мемлекеттік қолдауларды ұтымды пайдалануына бағыт-бағдар беремін.

Ел тұрмысы – ең басты мәселе

Қай салада да жемқорлық әрекеттерге жол бермеу, азаматтардың жемқорлық әрекеттерге төзбестік ахуалын қалыптастыру бағытында жұмыс жасаймын.

Салауатты өмір салтын қалыптастыру мақсатында тұрғындардың ұсыныстарына байланысты демеуші кәсіпкерлерді ұйымдастыра отырып, мемлекет қаржысы есебінен қаржы бөлуге атсалысып, қосымша спорт алаңдарын салуға жұмыс жасаймын.

Тұрмысы төмен отбасылардың, көпбалалы аналардың, мүмкіндігі шектелуі жандардың жағдайын әрқашан назарда ұстап, барлық тиісті әлеуметтік жеңілдіктермен қамтылуын бақылауға аламын. Мемлекеттік бағдарламалар шеңберінде берілетін жеңілдіктердің тұрғындарға қолжетімді болуына атсалысамын.

№1 сайлау округі бойынша Жалағаш аудандық мәслихат депутаттығына кандидат Каналхан Ермұрат Фаниұлының өмірбаяны мен сайлауалды бағдарламасы

Өмірбаяны

Каналхан Ермұрат Фаниұлы 1993 жылы 25 қарашада Қызылорда облысы Жалағаш ауданы Жалағаш кентінде дүниеге келген.

Жалағаш кентіндегі №202 орта мектепте 2000-2011 жылдары білім алған.

Қорқыт ата атындағы Қызылорда мемлекеттік университетін «Үздік дипломен» 2012-2016 жылы «Тарих пәні мұғалімі» мамандығы бойынша бітірген.

2020-2022 жылдары Қорқыт ата атындағы Қызылорда университетінде «Тарих педагогтерін даярлау» (білім гранты) мамандығы бойынша магистратураны тәмамдап, педагогика ғылымдарының магистрі атанды.

Оқушы көзден-ақ дарын мен даралығы айқындалып, құқық негіздері пәні бойынша республикалық пәндік олимпиаданың жүлдегері болды.

Оқумен қатар 2013-2016 жылдары Қорқыт ата атындағы Қызылорда мемлекеттік университеті жанындағы Археология және этнология институтында жұмысшы-волонтер болып жұмыс жасаған.

Университет қабырғасында озат оқып, қоғамдық жұмыстағы белсенділігі үшін президенттік стипендия иегері атанған.

2016 жылы Қызылорда облысы Жалағаш ауданындағы Т.Жүргенов атындағы №123 мектеп-лицейінде тарих және құқық пәні мұғалімі болып еңбек жолын бастады.

2020-2021 жылдары Жалағаш аудандық білім бөлімінің әдіскері қызметін атқарды.

2021 жылы қыркүйек айынан бастап №202 орта мектеп директорының ғылыми-әдістемелік жауыншегі орынбасары қызметін атқарып келеді.

«Педагог-сарапшы» санатты тарих пәнінің мұғалімі, үйленген, екі ұл мен бір қыздың әкесі.

Қазіргі таңда Қызылорда облысы Жалағаш ауданы Жалағаш кенті Ә.Молдағұлова 16/1 мекен-жайында тұрады.

Білім саласындағы жетістіктері мен жастар саясатын жүзеге асырудағы белсенділігі үшін 2018-2019 жылдары аудан өкімінің алғысымен марапатталған.

Білім қызметкерлерінің XII «Наурыз шапағаты» өнер фестивалінің аудандық, облыстық кезеңдерінің лауреаты.

2019 жылы Жастар жылына орай ұйымдастырылған «Жастар Керуені» республикалық экспедициясының қатысушысы.

2019-2020 оқу жылында Қызылорда облыстық білім басқармасының «Құрмет» грамотасымен марапатталған.

2021 жылы 9 қаңтардағы барлық деңгейдегі мәслихат, Парламент мәжілісі сайлауы кезінде ауданда бірқатар үшін облыс өкімінің алғысымен марапатталған.

«Ұлттық пікір-сайыс турнирі» республикалық дебат қозғалысының Жалағаш ауданы бойынша төрешілер көңесінің мүшесі.

Құрметті сайлаушылар!

Мен үшін халықтың сенімі бәрінен жоғары. Әділетті Қазақстан орнатуға өзімнің де тамшыдай болсын үйлесімді қосқым келеді. Халықтың жайлы қоғамда өмір сүруі үшін елде, өңірде, оның ішінде ауданда бірқатар мәселелер шешімін табуы тиіс. Бұл жолда еңбек етуге менің қарым-қабілетім, жиган тәжірибем, күш-қайратым жететініне сенемін. Бірақ бұл тұста халықтың қолдауы бәрінен маңызды. Себебі елдің талап-тілегін мінбердегілерге жеткізу үшін алдымен бұл саяси науқанда сайлаушылардың басым дауысына ие болуым керек. Бұл ретте алға қойған мақсаттарым да жоқ емес. Сондықтан баршаңызды алдағы саяси науқанда маған дауыс беруге шақырамын.

Сайлауалды бағдарламасы

1. Ауданда соңғы жылдары жол құрылысы қарқын алды. Бірақ бұл өңірде осымен жол сапасына қатысты ешқандай мәселе жоқ дегенді білдірмейді. Сондықтан

мен бірінші кезекте ауданда сапасына мен берілуі тиіс ішкі көшелердің жөндеуіне ықпал етемін.

2. Ауданда шағын және орта кәсіпкерлікті дамытамын. Себебі кәсіпкерлік саласында серпін болса, жұмыссыздық мәселесіне тұса болады. Бір жағынан әлеуметтің әлеуеті артады. Сондықтан қайтарымсыз гранттар мен төмен пайызбен несиелер алу арқылы тұрғындардың кәсіпкерлікке ден қоюына жағдай жасаймын. Бұл ретте бір жағынан жергілікті салыққа да түсім көбейетіні анық.

3. Кенттегі орталық стадионның қазіргі жағдайы сын көтермейді. Сондықтан оның сапасына мен берілу керек деп есептеймін. Алдағы уақытта оның қайта жаңғыртылуына ықпал етемін және оның құрылыс сапасын бақылауда ұстаймын. Бұл бір жағынан жастардың спортқа қызығушылығын арттырып, салауатты өмір салтын ұстануына да сеп болары сөзсіз.

4. Жалағаш кентіндегі №123 мектеп-лицейінде оқитын оқушылардың жылдан-жылға артуына байланысты орын тапшылығы байқалады. Осы ретте қосымша нысанның қажеттігі анық. Сондықтан алдағы уақытта оның құрылыс жұмыстарының жүзеге асырылуына ықпал жасаймын.

5. Кент орталығындағы көпқабатты тұрғын үйлердің сапасы да бүгінде сын көтермейді. Рас, жергілікті кәсіпкерлер, шаруашылық иелерінің демеушілігімен бірнеше рет жөндеуден өткенімен, олар әлі де күрделі жөндеуді қажет етеді. Сондықтан алдағы уақытта осыған жұмыс жасаймын.

6. «Жайлы мектеп» жобасы аясында кент орталығында жаңа 300 орындық мектеп құрылысы жүреді. Оның да құрылыс сапасын бақылауда ұстаймын.

7. Ауданда көшелерді жарықтандыруға қатысты да мәселелер жоқ емес. Ауылдық елді мекендерді ылайық қойғанда мұндай оплқылықтар кент орталығында да кездесіп жатады. Сондықтан ішкі көшелердің жарықтандырылуына да алдағы уақытта басымдық беремін.



8. Мемлекет болашағы – бүгінгі жастар. Сондықтан жастар бастамаларын ескере отырып, олардың тегін оқып, қалаған мамандық иесі болуына, жұмысқа орналасуына және жастардың өмір сүру деңгейін арттыруға қолдау көрсету керек деп есептеймін.

Қадірлі жерлестер, құрметті сайлаушылар!

Сайлауалды бағдарламамда өңірдегі бірқатар мәселелердің шешімін қамтыдым. Ал оны жүзеге асыруда сіздердің қолдауларыңыз қажет. Алдағы уақытта баршаңызды маған дауыс беруге шақырамын.

Қаржысы республикалық бюджеттің қаражатынан төленді

№1 сайлау округі бойынша Жалағаш аудандық мәслихат депутаттығына кандидат Байкожаев Сакен Болатовичтың өмірбаяны мен сайлауалды бағдарламасы

Өмірбаяны

Байкожаев Сакен Болатович 1973 жылы Қызылорда облысы Жалағаш ауданы, қазіргі М.Шәменов ауылында дүниеге келген.
1980-1990 жылдары М.Шәменов ауылында №34 орта мектепте білім алып, 1991-1996 жылдары Қызылорда агроөнеркәсіптік инженерлер институтында «Инженер-механик» мамандығын игеріп шықты.
2003-2005 жылдары Қорқыт ата атындағы Қызылорда мемлекеттік университетін математика-информатика пәнінің мұғалімі мамандығы бойынша бітірді.
2003 жылы «Ақтерек» сауықтыру лагерінде директор қызметін атқарды.
2004-2005 жылдары аудандық оқушылар үйінде ұйымдастырушы-педагог болып, 2005-2012 жылдары Ақсу ауылындағы №116 орта мектепте математика пәнінің мұғалімі болып қызмет атқарды.
2012 жылы қазан айында аудандық білім бөліміне әдіскер болып қабылданды.
Отбасылы, 2 бала тәрбиелеп отыр.

Елдің тұрмысын құрғақ сөзбен емес, нақты іспен көтеру керек

Халық сенімін арқалап, ел тізгінін ұстау – ер жігіттің міндеті. Осы орайда мен аудандық мәслихат депутаттығына арнайы болып тіркеліп, азамат ретіндегі міндетімді орындау үшін мінберге мініп, аудан тұрғындарының мұң-мұқтажын тыңдап, шешімін табуға бел будым. Ел болғасын мәселе болады. Ал оның шешімін табуға қажырлы қайрат, еңбек, нақты жоспар керек. Сондықтан мен сіздерге төмендегідей

сайлауалды бағдарламалды ұсынып отырмын.

Сайлауалды бағдарламасы

Жалағаш ауданы ауыл шаруашылығы саласында аймақта алдыңғы қатардан көрініп жүр. Дегенмен өздеріңіз білетіндей, соңғы жылдары аталған салада мәселелер жоқ емес.

Ауыл шаруашылығы саласы, соның ішінде ауыл шаруашылығы өнімінің қайта өңделуі деңгейінің төмендігі, суармалы жерлерге судың жетпеуі, ирригациялық жүйелердің өсірілуі секілді қиындықтарды шешуде барлық күш-жігерімді салатын боламын.

Денсаулық сақтау ұйымдарының жұмысы, медицина мамандарын шалғай аудандарға жұмысқа тарту секілді жұмыстарды назарда ұстаймын.

Қоғамда әр адам өзінің баспанасы болғанын армандайтыны өтірік емес. Осы ретте баспанға кезектің көптігін ескере отырып, кезектіліктің заңды түрде жүзін бақылауда ұстаймын.

Тұрғын үй-коммуналдық шаруашылық жүйелерінің, электрмен жабдықтау, жылу, ауыз сумен қамту жүйелері тозған елді мекендерде жаңарту бойынша жұмыстарды қарастыраймын.

Осы мәселелерді негізге ала отырып, алдағы бағыт-бағдарды белгіледім.

Ауыл тұрғындарының табысын арттыру

Бүгінде ауыл тұрғындары жұмыс жоқтықтан қалаға қоныс аударып жатқаны белгілі. Сондықтан ауылдық жерлердің инфрақұрылымын жақсарту кезек күттірмейтін мәселе. Осыған байланысты егін және мал шаруашылығы бойынша өнімдерді қайта өндіру

кәсібін жаңғыртуды қолға аламын. Ауылдардағы азаматтардың жеке кәсіпке бет бұруына ықпал жасаймын.

Кәсіпкерлерді қолдау

Өңірімізде жеке кәсіппен айналысамын деген тұрғындар қатары артқан. Әрине бұл жергілікті билік өкілдерінің аталған салаға мемлекеттік қолдауды тиімді пайдалануға қолайлы жағдай жасауы. Мен де әрі қарай осы үрдісті жетілдіруге күш-жігерімді саламын. Яғни қайтарымызсыз грант, аз мөлшерлеменен несиелер беру тетіктерін жетілдіруге бойынша жұмыстар атқарамын. Әсіресе жастардың жеке кәсіппен айналысуына қолдау білдіремін.

Өмір сүруге қолайлы орта

Ауылдық елді мекендерде «Ауыл – ел бесігі» жобасын жүзеге асыруға атсалысып, тұрғындарды әлеуметтік игіліктермен қамту, жол және көлік, тұрғын үй-коммуналдық шаруашылығы инфрақұрылымын жаңғырту жұмыстарын қолға аламын.

Тең мүмкіндіктер жасау

Әлеуметтік және көлік инфрақұрылымы объектілерінің мүмкіндіктері шектеулі адамдардың бейімделуіне, оларға қажетті көмек құралдары мен қызметтерді онлайн режимде алуға мүмкіндік беретін әлеуметтік қызметтердің бірыңғай порталына толыққанды көшу бағытында тиісті қызметтер атқарылуы қажет.



Құрметті сайлаушылар!

«Ер адам көп сөзді емес, нақты істерге бет бұруы керек» деген сөз менің өмірлік ұстанымым десем болады. Сондықтан да сіздердің қолдауларыңызбен ауданның мәслихат депутаты болып жатсам, жоғарыда аталған мәселелер бойынша жұмыс атқаруға уәде беремін. «Жігіттің екі сөйлегені, өлгені» дейді, мен халық үшін аянбай қызмет етуге бел будым.

Қаржысы республикалық бюджеттің қаражатынан төленді

№2 сайлау округі бойынша Жалағаш аудандық мәслихат депутаттығына кандидат Досымов Қайрат Алмасұлының өмірбаяны мен сайлауалды бағдарламасы

Өмірбаяны

Досымов Қайрат Алмасұлы 1983 жылы Жалағаш кентінде дүниеге келген.
Қорқыт ата университетін және Қ.Яссауи атындағы қазақ-түрік халықаралық университеттерінде жоғары білім алды.
Түрлі салаларда жұмыс жасап, қазіргі таңда аудан орталығында кәсіпкер. Кәсіпкер ретінде 50-ге тарта азаматы тұрақты жұмыспен қамтуда. Отбасылы, 3 ұл, 3 қыз тәрбиелеп отыр.

2021 жылы өткен депутаттар сайлауында Жалағаш аудандық мәслихаттағы VII шақырылым депутаты болды. Қысқа да болса сол уақыт аралығында тұрғындардың әл-ауқатын арттыру мақсатында көптеген жұмыстардың атқарылуына атсалысты. Жалағаш ауданын республика дәрежесінде танымал ету мақсатында өлімізге белгілі эстрада жұлдыздарымен Жалағаш ауданы туралы арнайы бейнебаян түсірілуіне қаржылай демеушілік жасады. Жыл сайын тұрақты түрде тұрмысы төмен отбасынан шыққан 20 баланы жазғы лагерьге тынығуға және оқу қоралдарымен қамтамасыз етіп келеді. Әлеуметтік жағынан аз қамтылған отбасыларға қолдау көрсету жұмыстары күн тәртібінде тұскен емес. Өзіне бекітілген Бұқарбай батыр ауыл тұрғындарының өтінші негізінде сымсыз интернетпен қамтамасыз ету мақсатында тиісті құрал-жабдықтарына демеушілік көрсетті. Арал ауданына, табиғи апатқа ұшыраған Қостанай облысына, жылусыз қалған Екібастұз қаласына қажетті көмек жолдарын ұйымдастырып, өз азаматтық ұстанымын білдірді.

Құрметті жерлестер, құрметті сайлаушылар!

Ендігі кезекте алға қойған жоспарларымды жүзеге

асыру мақсатында саяси додаға түсіп отырмын. Сіздердің сенімдеріңізді иемденіп, депутат деген мәртебелі мандатқа қол жеткізсем, Жалағаш өңірінде, оның ішінде Дәуімбай елді мекенінде келесі мәселелердің оң шешімін табуға жұмыс жасайтын боламын.

Сайлауалды бағдарламасы

1. Жаңа Қазақстанның азаматы ретінде өліміздің әлеуметтік-экономикалық дамуы жолында халықтың мүддесін бәрінен жоғары қоямын. Өз жеке қаражатымнан ауданға жаңа мектеп салуды жоспарлап отырмын. Жаңа мектеп білікті ұстаздармен және заманауи техникалармен жабдықталған ғимарат болады. Ол оқу орнында бірінші кезекте тұрмысы төмен отбасылардың балалары тегін білім алады.

2. Өздеріңізге белгілі Дәуімбай елді мекенінде мешіт құрылысы жүріп жатыр. Киелі ғимараттың 2023 жылы құрылыс жұмысын толық аяқтап, халық игілігі үшін пайдалануға беретін боламын.

3. Маған аудан көлеміндегі кезек күттірмейтін күрделі мәселелер жақсы таныс. Тұрғындардың сапалы өмір сүру деңгейін арттыру мақсатында жолдардың сапасын жақсартамын. Дәуімбай елді мекенінде көптеген жолдардың сапасы сын көтермей тұрғанын білемін. Сол үшін төмендегі көшелердің кезек-кезеңімен жөндеуіне атсалысамын.

2023 жылы Мысық би, І.Нуржөнов, Панфилов, А.Бектібаев көшелеріне жөндеу жұмыстары, сонымен қатар ПМК-09 көшесіне тас төсеу жұмыстары жүргізілетін болады;

2024 жылы Т.Әбжалиев, Ұлы Жеңістің 50 жылдығы, З.Ижанов, А.Қазыбеков көшелеріне жөндеу жұмыстарын жүргізуге;

2025 жылы А.Байсопақов, С.Сейфуллин, М.Мәметова көшелеріне жөндеу жұмыстарын жүргізуге;

2024-2025 жылдары Ә.Нұрғалиев, Қ.Сәтпаев, Е.Құрманбаев көшелеріне жөндеу жұмыстарын жүргізуге ықпал жасайтын боламын.

4. Жалағаш кенті мен Дәуімбай елді мекен аралығында салынатын теміржол төселі арқылы өлетін жаяу жүргіншілер көпірінің құрылысы сапалы және уақытында халыққа пайдалануға беруге ықпал жасайтын боламын.

5. Жеңістің 50 жылдығы көшесі бойына жаяу жүргіншілер жолын салуға ықпал етемін.

6. Демеушілік есебінең, яғни жеке кәсіпкерлерді ұйымдастыра отыра елді мекенге балалар ойын алаңын салуға;

7. Ауданда кәсіпкерлік саласының дамуына қолайлы орта жасауда өмірлік тәжірибеммен бөлісуге дайынмын. Аталған сала бойынша өңір тұрғындарының мемлекеттік қолдауды тиімді пайдалануына ықпал жасаймын. Әсіресе жастардың кәсіпке бетбұруына аса көңіл бөлемін.

8. Елді мекеннің ішкі көшелеріне кезек-кезеңімен жарықтандыру жұмыстарын қолға алып, тиісті орындарға жеткізетін боламын.

Құрметті ағайын!

Дәуімбай елді мекенінің тұрғындары бірлік пен татулықтың туын биік ұстап, ауданымызда тек жақсы қырынан ғана көрініп келеді. Күнделікті өмірде жоғарыда аталған мәселелерден басқа да проблемалар туындайтыны сөзсіз. Сондықтан барлығымыз бірге жұмылып, бұл мәселелердің оңай шешімін таба аламыз!

Сіздер мені қолдап дауыс берер болсаңыздар, мен де сіздердің сенімдеріңізден шығамын деп ойлаймын.



Ауданымыздың әлеуметтік жағынан дамуы жолындағы жұмыстарым өз жалғасын таба беретініне сенім білдіремін.
Басты міндетім – сайлаушылардың сенімін ақтап, адал қызмет ету және халыққа пайдамды тигізу.

Қаржысы республикалық бюджеттің қаражатынан төленді

№2 сайлау округі бойынша Жалағаш аудандық мәслихат депутаттығына кандидат Куракбаев Бозжан Тулеутаевичтың өмірбаяны мен сайлауалды бағдарламасы

Өмірбаяны

Куракбаев Бозжан Тулеутаевич 1968 жылы 3 желтоқсанда Қызылорда облысы Жалағаш ауданы Жалағаш кентінде дүниеге келген.
1977 жылы Жалағаш кентіндегі №202 орта мектеп табалдырығын аттап, 1984 жылы бітірген.
Сол жылдың қыркүйегінде Жалағаш аудандық №15 орта кәсіптік-техникалық училищесіне түсіп, оны 1987 жылы бітірген.
1987-1989 жылдары Моңғол халық республикасындағы №64430 әскери бөлімінде Отан алдындағы әскери борышын өтеген.
2005 жылы Алматы қаласындағы гуманитарлық коммерциялық колледжіне оқуға түсіп, оны 2008 жылы бітірген.

Еңбек жолын 2008-2010 жылдары Қызылорда облысы Жалағаш ауданы бойынша «Сыбайлас жемқорлық көріністерінің алдын алуға бағытталған» қоғамдық қабылдау бөлімшесінің инспекторы болып бастаған.

2011-2012 жылдары Қызылорда облыстық мәдениет басқармасының инспекторы болып қажырлы еңбек еткен.

2012-2013 жылдары Жалағаш ауданы Таң ауылдық мәдениет үйінің үйірме жетекшісі болып жұмыс жасаған.

2013-2014 жылдары Қызылорда қаласындағы «Облыстық халық шығармашылығын дамыту және мәдени-продюсерлік орталығының» әдіскері болып қызмет атқарды.

2014 жылдан бастап Ақсу ауылдық округі әкімі аппаратының «Ақсу ауылдық клубы» коммуналдық мемлекеттік қазыналық кәсіпорнында техник-механик болып жұмыс істеп келеді.

Отбасылы, 3 бала тәрбиелеп отыр.
Сайлауалды бағдарламасы

Білік мәңгілік емес, ақиқат мәңгілік!

Мен өзімнің сайлауалды бағдарламамда үйіп-төгіп уәде беруден аулақпын. Ой өрісі, саяси тәжірибелік күш-қуатым жететін, нақты қолдан келетін жұмыстарды ғана алға тартпақпын. Бүгінгі халық бір қап күрішке не бір келі шайға малданатын халық емес. Аудан халқының ой-санаы өсті, көкірегі ояу, көзі ашық. Елдің ертеңі, ұрпағының болашағын ойлайтын жастардың өсіп келе жатқанына сенімдімін.

Қазіргі жемсауыты жемқорлыққа толы мына қоғамда уәденің құны көк тиын болды. Халық құрғақ сөзден қажыды. Сондықтан мен бұрыннан атқарып келе жатқан ақиқаттың ақ жолындағы күресімді ары қарай жалғастыра беремін.

Біріншіден, елдегі демократиялықты, тәуелсіздікті орнықтыру, әрбір адамның өзіндік үні, өзіндік құқығы болуы қажет. Ол ештеңеге алаңдамайтын, зайырлы, өркениетті Ата заңды аяқасты етпейтін мемлекетте өмір сүруге тиіс.

Халықтың әлеуметтік, тұрмыстық жағдайы жоғары, өз байлығы өзіне бұйыруы керек. Шырылдап шындықты айтушының талап-тілегі ескеріліп, білік олармен есептесе қажет. Мемлекеттің ең басты баға жетпес байлығы ол – адам. Сондықтан оларға жасалатын әлеуметтік жағдай жариялық түрде, біліктің тарапынан өздеріне жасап жатқан ас та тек дарақылыққа, елдегілердің еңесін басқан түрлі бюрократтыққа тосқауыл болуы керек.

Қысқаса айтқанда, «қазаннан қақпақ» кетпеу қажет. Ол үшін мәслихат депутаттары өшкімнің қолбаласы

болмай, тәуелсіз түрде халықтың мұң-мұқтажы үшін аудандағы күрделі мәселелердің шешімін табуымыз қажет.

Атап айтқанда, ауыз су, аяқ су, көшелердің асфальтталуы, көше жарығы, денсаулық сауықтыру кешені, мәдениет нысандары, ойын алаңдары, елең алған жұмыссыздық мәселелерін жоюға жұмыс жүргізуіміз керек.

Егер сайлаушыларым осы ақиқатты өздері үшін, өздерінің ұрпағы үшін қолдайтын болса, маған дауыс береді деген сенімдемін. Осы жолда үкілі үміттеріңізді ақтау үшін аянбаймын!

Бұл мақсат-міндеттерді жүзеге асыруға қарым-қабілетім жететініне сенемін. Бірақ бұл жерде сайлаушылар таңдауы бөрінен маңызды. Әрбір сайлаушының дауысы маған артылған сенім деп білемін. Алдағы саяси науқанда маған дауыс берсеңіздер айдыны кең, ақсары бұлақ ауданның алдағы уақытта да беделін арттырмасам, биігін төмендетпейге жұмыс жасаймын.

Құрметті сайлаушылар!

Мен үшін халықтың талап-тілегі, елдің мәселесі бөрінен маңызды. Алдағы саяси науқанда кандидат болудағы басты мақсатым да – сол халықтың талап-тілегіне құлақ түріп, елдің мәселесін шешу. Осы өңірде туып-өскендіктен ауылдағы ағайынның тыныс-тіршілігі маған таныс емес. Сайлауалды бағдарламамда да нақты мәселелерді қамтығаным сондықтан.

Құрметті жерлестер!

Президент Қасым Жомарт Тоқаев айтқан «Халық



үніне құлақ асатын мемлекет» тұжырымдамасын жүзеге асыру әрбір сайлаушының өз қолында. Егер алдағы саяси науқанда маған дауыс берсеңіздер елдің талап-тілегін мінбердегілерге жеткізіп, оның шешімін табуына ықпал етемін. Ол үшін тағы да сіздердің қолдауларыңыз қажет болатыны айтпаса да белгілі. Халық мені қолдаса, мен елдің ертеңіне жұмыс жасауға қашанда әзірімін.

Қаржысы республикалық бюджеттің қаражатынан төленді

№2 сайлау округі бойынша Жалағаш аудандық мәслихат депутаттығына кандидат Мубарак Мақсат Сұлтанмұратұлының өмірбаяны мен сайлауды бағдарламасы

Өмірбаяны

Мубарак Мақсат Сұлтанмұратұлы 1985 жылы 30 тамызда Қызылорда облысы Жалағаш ауданы Жалағаш кентінде дүниеге келген.

Ұлты қазақ. Білімі жоғары. 1991 жылы Қаратал ауданының Үштөбе қаласындағы №52 орта мектепке бірінші сыныпқа барып, 1996 жылы Қызылорда облысы Жалағаш кентіндегі №31 орта мектепті 2001 жылы аяқтаған.

2001 жылы Қызылорда қаласындағы Қазақ гуманитарлық заң университетіне түсіп, 2001-2007 жылы заң тану мамандығы бойынша бітірді.

2007-2011 жылы Қорқыт ата атындағы Қызылорда мемлекеттік университетін экономист мамандығы бойынша тәмамдады.

Отбасылы, 2 бала тәрбиелеп отыр. Еңбек жолы: 2005-2008 жылдары «КазАгроМаркетинг» АҚ-ның менеджері;

2008 жылы «Еңбек ауылдық округі әкімі аппараты» мемлекеттік мекемесінде жетекші маман;

2008-2010 жылдары Қызылорда қаласының Әділет басқармасының азаматтарды құжаттандыру және тіркеу бөлімінде жетекші маман;

2011-2012 жылдары «Жалағаш ауданы әкімінің аппараты» басшысының көмекшісі;

2012-2013 жылдары Жалағаш аудандық кәсіпкерлік бөлімінде бас маман;

2014-2016 жылдары Қызылорда облысының Жалағаш ауданындағы Кәсіпкерлер Палатасының филиал директоры;

2016-2018 жылдары Жалағаш ауданы әкімі аппаратының ұйымдастыру-бақылау бөлімінің әдіскері болып еңбек етті.

2018 жылдан осы күнге дейін Жалағаш аудандық

кәсіпкерлік, өнеркәсіп және туризм бөлімі әдіскер болып қызмет атқарады.

Құрметті аудан тұрғындары!

Осы жылдың 19 наурызында Қазақстан Республикасы Парламенті Мәжілісінің және барлық деңгейдегі Мәслихат депутаттарының сайлауы өтеді. Осы орайда мен Жалағаш кентіндегі №2 сайлау округінен мәслихат депутаттығына үміткер ретінде бақ сынамаққа бел будым. Халқымыз бұл саяси науқаннан Жаңа, Әділетті Қазақстанның бейнесін көргісі келетіні анық. Жаңашылдыққа бастаған саяси науқанда түбегейлі өзгерістер қажет деп санаймын.

Тәуелсіз еліміздің ұлттық мүддесін қорғау – әрбір азаматтың міндеті. Сол үшін бұл саяси науқанда өзіме артылған сенім мен жауапкершілік үдесінен шығу үшін елге қызмет қылуға ниеттімін.

Бұл жолда ел мүддесін қорғап, Сыр өңірінің дамуы мен өлеуетінің артуы жолында маған артылған сенімге сәлмеу түсірмей жұмыс істеуге дайынмын.

№2 сайлау округіне қарасты Жалағаш – халық көп шоғырланған, өсіп-өркендеу жолындағы бірден-бір кент. Инфрақұрылымы дамып, өлеуеті артып келе жатқан бұл аумақтың түйткілді мәселелері де баршылық. Алдағы 1 ай кезеңінде кент тұрғындарымен кездесу ұйымдастырып, жұртшылықтың мәселелерін, халықтың мұң-мұқтажын назарға алатын боламыз. Осы ретте сіздерге нақты сайлауалды бағдарламалды ұсынып отырмын.

Сайлауалды бағдарламасы

1. Еліміздің өркендетке қадам басып, экономикасының дамуында сыйбайлас жемқорлықтың кедергі жасайтыны белгілі. Сондықтан бұл ідетпен күресуде атқарылар жұмыстардың барысына белсене араласып, жемқорлықсыз орта құруға атсалысамын.

2. Ауданымызда, оған қоса ауданға қарасты елді мекендерде тұрақты жұмыс орындарын құруға, жергілікті өнімдерді шығаруға, шағын және орта кәсіпкерлікті дамытуға жұмыс жасаймын.

3. Көпбалалы аналарға, аз қамтылған отбасыларға, мүмкіндігі шектеулі азаматтарға әлеуметтік қолдау көрсетуге ықпал жасаймын.

4. Кенттің, оның ішінде арғы беттің инфрақұрылым мәселелерін ескеріп, жергілікті атқарушы биліктің назарын аударамын.

5. Тозығы жеткен электр бағаналарын ауыстыруға, сапалы ауыз сумен қамтамасыз етуге ықпал етемін.

6. Мектептерді қажетті құрал-жабдықтармен қамтамасыз етуге, интернет желісінің тұрақты жұмыс жасауына аса мән беріп, мектеп оқушыларының қауіпсіздігін қамтамасыз ету жұмыстарына қолдау көрсетемін.

7. Емдеу саласындағы мәселелерді, яғни маман жетіспеу жағдайлары бойынша жұмыс жасап, жастарды ауылға тартуға күш-жігерімді саламын.

8. Ауданда спорт алаңдарын көптеп салу, олардың жай-күйін күтіп ұстау мәселелеріне қолдау көрсетемін.

9. Кәсіпкерлердің қатарын арттыру аясында ауданда қолайлы орта құру бойынша жұмыстарға қолдау көрсетемін. Кәсіп ашамын деген азаматтарға мемлекет тарапынан көрсетілетін қолдаулардың ұтымды жүзеге асуына ықпал жасаймын.

10. Соңғы уақытта ауданымыз үшін мәселе болған қоғамдық көлік, такси қызметін бір жүйеге келтіруге жұмыс жасаймын. Ол үшін нақты жоспарым да бар.

11. Өңір тұрғындары қашанда өздерін қауіпсіз сезінуі тиіс. Бұған қол жеткізу үшін бейнебақылау құрылғыларын орнату, қоғамдық көмекшілер санын арттыру, патрульді көлік сатып алу, тұрғын үйі бар ұнаскелі полиция пунктерін салу, шалғай ауылдарда өртке қарсы бекеттер орнату, шалғай ауылдарды патрульдік көліктермен қамтамасыз ету жұмыстарына атсалысамын.



Құрметті сайлаушылар!

Алда өңіріміз, жалпы мемлекетіміз үшін аса жауапты саяси науқан. Бұл шара ел болашағын айқындауда рөлі өте маңызды. Мәслихат мінберінде білімді, қолынан іс келетін азаматтардың болуы тиіс. Осы жағдайларды ескере отырып, сіздердің қолдауларыңызбен аудан үшін білек сыбанып, қызмет ету менің парымыз деп білемін. Сондықтан да барша сайлаушыларыңыз саяси маңызды шараға белсене атсалысуға, түбегейлі өзгерісті бірге жасауға шақырамын!

Қаржысы республикалық бюджеттің қаражатынан төленді

№2 сайлау округі бойынша Жалағаш аудандық мәслихат депутаттығына кандидат Бакберген Нуржан Кожабаетичтың өмірбаяны мен сайлауалды бағдарламасы

Өмірбаяны

Бакберген Нуржан Кожабаетич Қызылорда облысы Жалағаш ауданы Жалағаш қыстағында 1969 жылы 27 сәуірде дүниеге келген.

1976 жылы Жалағаш ауданы Ақсу ауылындағы №116 орта мектептің 1 сыныбына қабылданып, 1986 жылы тәмамдаған.

1987 жылы Жалағаш аудандық СПТУ-15 училищесінде 5 айлық курс оқып, «Механизатор-тракторист» мамандығы бойынша диплом алды.

1987-1989 жылдары Совет армиясы қатарында азаматтық борышын өтеген.

Еңбек жолын 1989-1991 жылдары Ақсу ауылында механизатор болып бастаған.

1991 жылы Қызылорда педагогикалық институтының «Жаратылыстану» факультетіне оқуға түсіп, Қорқыт ата атындағы гуманитарлық университетін 1996 жылы «Географ-эколог» мамандығымен тәмамдады.

1996 жылы өзі білім алған қасиетті қара шаңырақтың география пәні мұғалімі болып жұмысқа қабылданды.

1998 жылдан бастап алғашқы ескери дайындық пәні мұғалімі болып тағайындалады. Оқушыларды АӘД пәні бойынша дайындауда жаңа тың жолдар іздегіріп жұмыс жасайды. Нәтижесінде АӘД кабинетін қайта заман талабына сай бөздендіріліп, қажетті құралдармен толықтырылды. Шәкірттері аудан, облыс көлеміндегі түрлі саятқы байқауларда 1, 2 орындарды иеленіп, үстаз мерейі артқан.

2006 жылдың 6 қаңтарынан бастап №116 орта мектептің директоры қызметін атқарды.

2009 жылы 12 шәкірті мемлекеттік білім грантын жеңіп алса, 2010 жылы 8 мектеп бітіруші түлек ҰБТ қорытындысы бойынша білім грантын еншіледі.

Нуржан Қожабаетич – білікті басшы, ұстаз ғана емес, отбасында үлгілі әке, сүйікті жар, ағайын-туыс арасында беделді, абыройлы азамат.

Ол 2022 жылдың тамыз айынан бастап «Ақтерек сауықтыру лагері» КММ директоры қызметін атқарып келеді.

Сайлауалды бағдарламасы

Құрметті жерлестер!

Жарқын болашаққа нақты қадам жасайтын уақыт келді. Бұл бағытта алға қойған мақсат-міндеттерім де жоқ емес. Кез келген адам туған жерінің түлеуіне, екінші тынысын ашуға жұмыс жасағысы келеді. Менің де мақсатым сол алдағы саяси науқанда бақ сынағалы отырғаным да сондықтан. Әлбетте ол үшін алдымен сіздердің қолдауларыңыз өрекше маңызға ие.

Бірінші кезекте осы өңірдің азаматы ретінде ауданның әлеуметтік-экономикалық дамуы жолында қажырлы еңбек етіп, халықтың мүддесін бәрінен жоғары қоямын. Себебі Президентіміздің «Халық үніне құлақ асатын мемлекет» тұжырымдамасы сөз күйінде қалмауы керек.

Дәуімбай елді мекенінде соңғы жылдары біршама жұмыс атқарылды. Әлбетте оның барлығы елдің сапалы өмір сүруіне айтарлықтай сеп болды. Алайда бұл Дәуімбайда ешқандай мәселе жоқ дегенді білдірмейді. Сондықтан алдағы уақытта қалған мәселелердің шешімін табуына қарым-қабілетімді, күш-жігерімді жұмсаймын.

Тұрғындардың сапалы өмір сүру деңгейін арттыру мақсатында біршама жобаны қолға алмақпын. Әсіресе жол сапасына қатысты күрмеулі мәселелер күн тәртібінен түспейді. Себебі Дәуімбай елді мекенінде көптеген жолдардың сапасы сын көтермей тұрғанын

жақсы білемін.

Биыл Мысық би, І.Нуркенов, Панфилов, А.Бектібаев көшелеріне жөндеу жұмыстарын жүргізуге ықпал етемін. Ал ПМК-09 көшесіне тас төсеу жұмыстары да назарымда болады.

Келер жылы Т.Әбжалиев, Ұлы Жеңістің 50 жылдығы, 3.Ижанов, А.Қазыбеков көшелеріне жөндеу жұмыстарын жүргізуге ықпал етемін. Ал 2025 жылы А.Байсопақов, С.Сейфуллин, М.Мәметова көшелеріне жөндеу жұмыстарын қадағалаймын.

2024-2025 жылдары Ә.Нұрғалиев, Қ.Сәтпаев, Е.Құрманбаев көшелеріне жөндеу жұмыстарын жүргізуге ықпал етемін.

Жалағаш кенті мен Дәуімбай елді мекені аралығында салынатын теміржол арқылы өтетін жаяу жүргіншілер көпірінің құрылысы да назарымда болады. Бұл елдің біраздан бергі шешілмей келе жатқан мәселесі болатын. Сондықтан оның құрылыс сапасын өрекше қадағалаймын.

Қазір Жеңістің 50 жылдығы көшесі бойына жаяу жүргіншілер жолының жоқтығы жолаушыларға қиындық тудырады. Сондықтан алдағы уақытта осы мәселені де мінбердегілерге жеткіземін.

Дәуімбайда балалар ойын алаңын салуға ықпал етемін. Бұл жұмыстарға жергілікті кәсіпкерлер мен шаруашылық иелерін жұмылдырамын. Ал ішкі көшелерге кезең-кезеңімен жарықтандыру жұмыстары жүргізілетін болады.

Құрметті сайлаушылар!

Өзім осы ауданның азаматы болғандықтан маған елдің тыныс-тіршілігі өтене таныс. Елдің ішінде қандай мәселе бар, бәрі-бәрі маған таңсық емес. Күнделікті



көзбен көріп жүрген мәселелерді жай қарап өтуге тағы болмайды. Оның шешімі қайсы деген сауалдың жауабы мені толғандырады. Алдағы саяси науқан сол мәселелерді шешуіме берілген үлкен мүмкіндік деп білемін. Бірақ бұл ретте сіздердің қолдауларыңыз ауадай қажет. Сонда ғана олардың оң шешімін табуына бірге қол жеткіземіз. Сондықтан алдағы сайлауда баршаңызды маған дауыс беруге шақырамын.

Қаржысы республикалық бюджеттің қаражатынан төленді

№3 сайлау округі бойынша Жалағаш аудандық мәслихат депутаттығына кандидат Мақсұтов Еркебұлан Мақсұтұлының өмірбаяны мен сайлауалды бағдарламасы

Өмірбаяны

Мақсұтов Еркебұлан Мақсұтұлы 1985 жылы Сырдария ауданында дүниеге келген. 2021 жылдан бастап Жалағаш аудандық ауруханасының бас дәрігері қызметін атқарып келеді. 2003 жылы Оңтүстік Қазақстан медицина академиясын емдеу ісі мамандығы, 2010 жылы Оңтүстік Қазақстан мемлекеттік фармацевтикалық академиясы базасында «Терапевт» мамандығы бойынша интернатурадан өткен. Денсаулық сақтау саласында жүріп келетін жерлерде жұмыс жасап, тәжірибе жинақтаған.

Сайлауалды бағдарламасы

Жалағаш ауданының халқы тек өзінің бірлігі мен ынтымағы арқылы оқ бойы алда. Осы ауданға қызмет ету, жаңа қырынан дамытуды басты мақсатым етіп отырмын. Менің негізгі мамандығым дәрігер болса да, өзге саланың да бағыт-бағдарын жақсы білемін деп айта аламын. Тек қана денсаулық сақтау саласы ғана емес, басқа салалардың да дамуына өз үлесімді қосқым келеді.

І. Жалағаш ауданының экономикалық даму бағыты

1. Орта және шағын кәсіпкерлікті дамыту аясында ауданның әлеуметтік-экономикалық жағдайының жақсаруына ықпал ету. Отандық өнімдер шығаратын аудан кәсіпкерлеріне қолдау көрсету;

2. Энергетика саласы бойынша ауданымызда электр бағандары мен сымдарының ескіргендігі, олардың ауа райының қолайсыздығына төтеп бере алмайтыны белгілі. Сондықтан кезең-кезеңімен ауыстырылып, жаңарту жұмыстарының атқарылуын назарға алып отыру;

3. «Сәрке батыр» сайлау округі бойынша көптен бері жөндеу жұмыстарын көрмеген көшелерді білемін. Ең алдымен биылдан бастап М.Байтөреев, А.Ізтелеуова көшесінің бас жағы, Т.Қыстаубаев, Шоңбай ақын, М.Шәменов көшелерінің жөндеуіне тікелей атсалысатын боламын.

ІІ. Ауданымыздың әл-ауқатын арттыру бағыты

1. Аудандағы отбасылық-демографиялық ахуалдың қалыптасуына, балалардың қауіпсіздігі мен құқығын қорғау мәселесіне үнемі назар аудару;

2. Табысы аз және көпбалалы отбасыларды қолдауда барлық жұмыстың жүйелі орындалуын қадағалау;

ІІІ. Сапалы білім бағыты

1. Білім саласындағы туындаған мәселелерді шешуге, білім берудің үздік әлемдік стандарттарына қол жеткізуіне, білім саласының өркендеуіне қолдау көрсету;

2. Өскелең ұрпақтың спорттық және шығармашылық өлеуетіне назар аударып, олардың спортпен, шығармашылықпен айналысуына жағдай жасау;

3. Аз қамтамасыз етілген және көпбалалы отбасылардың балаларына әлеуметтік көмек көрсетудің, соның ішінде ыстық тамақпен және киім-кешекпен қамтамасыз етілуін, сауықтыру-демалыс лагерлерінде болуына қолдау көрсетіп, үнемі бақылауға алу;

4. Т.Жүргенов атындағы №123 мектеп-лицейіне 200 орындық қосымша ғимарат құрылысын салу жұмысына ықпал ету және сапалы, уақытында бітуіне жұмыс жасау;

5. Т.Жүргенов атындағы №123 мектеп-лицейі ғимаратының жылу жүйесін көптір отынға ауыстыру үшін жобалау-сметалық құжаттама әзірленуін қадағалау;

ІV. Денсаулық сақтау саласын дамыту бағыты

1. Жалағаш ауданы бойынша күрделі жөндеуді қажет ететін медициналық нысандарды жөндеу жұмыстарының сапалы түрде жүргізілуіне ықпал ету. Оның ішінде Мырзабай ахун және Есет батыр ауылының дәрігерлік амбулатория құрылысына ықпал ету;

2. Созылмалы және онкологиялық науқастарды амбулаториялық емдеудің тегін дәрі-дәрмектерімен қамтамасыз ету мәселесін үнемі бақылап отыру;

3. Халықтың денсаулығын сақтау, скринингтік зерттеулер жүргізуге бағытталған шаралардың жүргізілуін үнемі назарда ұстау;

4. Жалағаш кентінде емдеу мекемелерінің көріз жүйесінің құрылысына ықпал ету.

V. Спорт саласын дамыту бағыты

1. Жалағаш кентіндегі орталық стадионды қайта жаңғырту;

2. Балаларға арналған ойын алаңдарының және спорт алаңдарының болуына ықпал ету;

3. Құрылыс жұмыстары ұзап кеткен дене шынықтыру-сауықтыру кешені құрылысының аяқталуына ықпал етіп, пайдалануға беруге жұмыс жасайтын боламын.

Қадірменді сайлаушылар! Құрметті Жалағаш ауданының халқы!

Егер сіздер маған сенім артып дауыс берсеңіздер, жаңа идеяларымыз жүзеге асырып, бірлесіп жақсы жетістікке жетеміз деп сенемін. Әрбір аудан тұрғынының



ұсыныс-пікірін тыңдауға және сол ұсыныстың жүйелі орындалуына жұмыс жасайтын боламын.

Ел дамуына сүбелі үлес қосу – әрбіріміздің парызымыз. Сіз де ойыңыздағы мәселенізді айтыңыз. Біз оған қозғау салуға тырысамыз. Депутаттардың міндеті – әрдайым ел мүддесін қорғау. Егер депутат деген мәртебелі мандатқа қол жеткізсем, сайлауалды бағдарламаның іс жүзінде жүзеге асуына ықпал етемін. Қоғамдағы күрделі мәселелердің шешімін табуға және ауданымыздың үздіксіз дамуына аянбай қызмет етемін.

Қаржысы республикалық бюджеттің қаражатынан төленді

№3 сайлау округі бойынша Жалағаш аудандық мәслихат депутаттығына кандидат Мендибаева Улмекен Абилтаевнаның өмірбаяны мен сайлауалды бағдарламасы

Өмірбаяны

Мендибаева Улмекен Абилтаевна 1964 жылы 6 қыркүйекте Қармақшы ауданында дүниеге келген. 1971-1981 жылдары №26 Шоқан Уәлиханов атындағы мектептің 10 сыныбын бітірген. 1981-1983 жылдары Қармақшы ауданындағы №183 мектепте лаборант болып қызмет атқарған. 1984-1991 жылдары Қармақшы ауданындағы Абай атындағы кітапханада қызмет атқарған. 1985-1987 жылдары Ақтөбе қаласындағы мәдени-ағарту училищесінің «Кітапхана ісі» мамандығы бойынша оқыған. 1991-1995 жылдары Жалағаш аудандық кітапханасында кітапханашы, оқырмандар бөлімінің меңгерушісі болып қызмет атқарған. 1995-2003 жылдары оқырмандар бөлімінің меңгерушісі болып қызмет атқарған. 2003-2012 жылдары әдістемелік-библиография бөлімінің меңгерушісі болып қызмет атқарған. 2003-2005 жылдары М.Әуезов атындағы Оңтүстік Қазақстан мемлекеттік университетінің «Кітапхана және библиография» бөлімін бітірген. 2012 жылдың желтоқсан айынан бастап Жалағаш аудандық орталықтандырылған кітапханалар жүйесінің директоры қызметін атқарып келеді. Еңбегі еленип, бірнеше рет облыс, аудан басшыларының алғыс, құрметіне ие болды. 2019 жылы «Кітапхана ісінің шебері», 2020 жылы «Қазақстанның Құрметті кітапханашысы» Төс белгілерімен, 2022 жылы Қазақстан Республикасы Мәдениет және спорт министрі Д.Абаевтың «Құрмет» грамотасымен марапатталған. Отбасылы, 1 қыз бала тәрбиеленіп отыр, жолдасы ерт сәндіру бөлімінің зейнеткерлікке шыққан.

Сайлауалды бағдарламасы

Құрметті сайлаушылар!

Жалағаш ауданында өзім де ұзақ жылдардан бері қажырлы еңбек етіп келемін. Аудан халқы ауызбіршілігімен, ынтымағымен, қай істе де ымырамен жұмыс жасайтынымен ерекше. Қандай мәселенің шешіміне жұмыс жасайтын болса, аудан жұрты ауызбіршіліктен кенде болған емес. Енді алдағы саяси науқанда тағы да белсенділікпен дауыс беріп, өз таңдауын жасайтын уақыт келіп тұр. Бұл сайлауда басым дауысқа ие болсам, алдағы уақытта аудандағы күрмеулі мәселелердің шешіміне жұмыс жасаймын. Кез келген өңірдің өркендеуіне, халқының тұрмыс сапасының артуына бірінші кезекте сол өңірдің әлеуметтік-экономикалық дамуына басымдық беру керек. Мен де алдағы уақытта Жалағаш ауданының экономикалық даму бағытында біршама жобаларды қолға аламын. Өлбетте бірінші кезекте оның жемісін жергілікті халық көруі тиіс. Экономикада өсім қалыптасуы үшін алдымен кәсіпкерлік саласы қарқын алуы тиіс. Рас, шағын ғана ауданда ұлкен кәсіпорындар көп емес. Десе де орта және шағын кәсіпкерлік дамытуға ешқандай кедергі жоқ деп ойлаймын. Оның үстіне бұл салаға мемлекет тарапынан жан-жақты қолдау бар. Міне, осы қолдауға жергілікті халықтың қол жеткізуі үшін барлық жағдайды жасаймын. Кәсіп ашуға талаптанған азаматтардың пайыздық үстемалығы төмен несие алуына, қайтарымсыз қаражатқа қол жеткізуіне ықпал етемін. Энергетика саласы бойынша да ауданда мәселе жоқ емес. Сондықтан алдағы уақытта электр бағандары мен сымдарын жаңалауға ықпал етемін және оның сапасы ұдайы назарымда болады. Әсіресе мұндай мәселелер

ауылдық елді мекендерде көптеп кездеседі. Жол сапасына қатысты аудандағы бірқатар мәселелер де шешімін табуы тиіс деп ойлаймын. Мәселен, аудан орталығындағы М.Байтөреев, А.Ізтелеуова, Т.Қыстаубаев, Шоңбай ақын, М.Шәменов көшелерінің сапасына қатысты бүгінде бірқатар мәселе бар. Міне, мұның бәрі алдағы уақытта кезең-кезеңімен шешімін табуы тиіс. Алдағы уақытта осы мәселелерді мінбердегілерге жеткізе отырып, жол құрылысының сапасын да назарда ұстаймын. Халықтың тұрмыс сапасын арттыруды Мемлекет басшысы ұдайы назарға салып келеді. Ол үшін бірінші кезекте өңірлерде кәсіпкерлік саласында серпін қалыптасуы тиіс. Сондай-ақ бос жаңа жұмыс орындары құрылуы керек. Міне, алдағы уақытта осы мақсатқа жұмыс жасап, табысы аз және көпбалалы отбасыларды қолдаудың бағыттарына байланысты барлық жұмыстардың жүзегі орындалуын қадағалаймын. Білім сапасы дамымай бәсекеге қабілетті ұрпақ қалыптастыру мүмкін емес. Аталған салаға мемлекеттің қолдауы да жоғары. Сол қолдауды жергілікті педагогтар мен оқушылардың да сезінуіне жағдай жасау керек. Бұл салада туындаған мәселелерді шешуге, білім берудің үздік әлемдік стандарттарына қол жеткізуіне, білім саласының өркендеуіне қолдау көрсетемін. Т.Жүргенов атындағы №123 мектеп-лицейіне 200 орындық қосымша ғимарат құрылысын салу жұмысына ықпал ету және сапалы, уақытында бітуіне жұмыс жасау қажет. Бір жағынан білім нысанының жылу жүйесін көгілдір отынға ауыстыру үшін жобалау-сметалық құжаттама әзірленуін қадағалаймын. Өскелең ұрпақтың спорттық және шығармашылық әлеуетіне назар аударып, олардың спортпен, шығармашылықпен айналысуына жағдай жасау керек деп ойлаймын. Себебі олардың бос уақытын тиімді пайдалану



бөрінен маңызды. Бұл бағыттағы жұмыстар бір жағынан тәрбиеге қатысты қоғамның ақсаған тұстарын қалыңқа келтіруге де оң әсерін тигізеді деген сөзсіз. Аз қамтамасыз етілген және көпбалалы отбасылардың балаларына әлеуметтік көмек көрсетудің де маңызы зор. Соның ішінде олардың ыстық тамақпен және киім-кешекпен қамтамасыз етілуі, сауықтыру-демалыс лагерлерінде болуын қадағалау керек деп есептеймін.

Қаржысы республикалық бюджеттің қаражатынан төленді

№3 сайлау округі бойынша Жалағаш аудандық мәслихат депутаттығына кандидат Амандық Нұржан Раисұлының өмірбаяны мен сайлауалды бағдарламасы

Өмірбаяны

Амандық Нұржан Раисұлы 1995 жылы тамыз айының 29 күні Қызылорда облысы Жалағаш ауданында дүниеге келген. 2001-2013 жылдары Ш.Ермағанбетова атындағы №246 орта мектептен білім алған. 2013-2017 жылдары Қызылорда қаласындағы Болашақ университетінде білім алып, мемлекеттік және жергілікті басқару мамандығы бойынша бітірді. 01.11.2017-11.12.2017 жылдары Жалағаш аудандық жастар ресурстық орталығы жастар тәжірибесінен өткен. 11.12.2017-11.06.2018 жылдары Жалағаш ауданы әкімдігінің халықты жұмыспен қамту орталығы маманы. 25.09.2018-19.04.2019 жылдары «Қоғамдық келісім» КММ-ның Жалағаш ауданы бойынша сарапшысы, сол аралықта Жалағаш ауданы жастарының «Темірқазық» қоғамдық бірлестігінің төрағасы қызметін қоса атқарды. 24.04.2019 жылдан бастап Жалағаш аудандық жастар ресурстық орталығының кеңесшісі болып қызмет атқарды. 01.06.2021 жылдан бастап Жалағаш аудандық жастар ресурстық орталығының директоры қызметін атқарып келеді. Жалағаш ауданы жастарын республикалық деңгейдегі түрлі интеллектуалдық сайыстарға, жайдарман ойындарына қатысуына ықпал жасап, аудан абыройын асқақтатып келеді. Азаматтық бастамаларды қолдау мақсатындағы республикалық шағын гранттарға қатысып, жоба дайындау үшін аудан жастарына тәжірибесімен бөлісіп, грант жеңімпазы атануға өз үлесін қосуда.

Құрметті сайлаушылар!

Мен аудандық мәслихат депутаты болсам, аудандағы

бірқатар өзекті мәселелердің шешімін табуына бар қарым-қабілетімді жұмсаймын. Өзімнің сайлауалды бағдарламамда көкейімде жүрген аудан тұрғындарының әл-ауқатын жақсартуға, өңір әлеуетін арттыруға мүмкіндік беретін нақты бастамалардың жүзеге асуына қызмет етуді өзіме міндет етіп қойдым. Ол үшін менің білімім де, қабілетім де жететініне сенімдімін. Нақты бағытым мен жүйелі хоспарым анық.

Сайлауалды бағдарламасы

Бірінші кезекте шағын және орта кәсіпкерлікті дамытуға күш саламын. Себебі ауданның әлеуметтік-экономикалық жағдайының жақсаруына бұл сала тың серпін береді. Отандық өнімдер шығаратын аудан кәсіпкерлеріне қолдау көрсету керек деп есептеймін. Әсіресе аудан жастары арасында кәсіпкерлікті дамыту қажет. Ауданда қолдан келетін ісін кәсіпке айналдырып, напақамды тапсам деген жастардың қатары жеткілікті. Тек мемлекеттен берілетін қолдауды пайдалануда оларға дұрыс бағыт-бағдар көрсетсек болғаны. Сол себепті өзім де жастар арасында жүргендіктен, бұл мәселенің ұтымды шешілу жолдарын нақты білемін. Сондай-ақ балалар мен жастардың бос уақытын тиімді пайдалануын ұйымдастыру, салауатты өмір салтын қалыптастыру, жастармен үнемі жұмыс жүргізу, ерекше қажеттіліктері бар жастарға кәсіптік бағдарлауда көмек көрсету, жұмыссыз және NEET санатындағы жастарға мемлекеттік бағдарламаларды түсіндіру үшін адистік жұмыстар жүргізіп, жұмыссыз жастар санын азайту үшін жоспарлы жұмыстарды ұйымдастыру қажет. Энергетика саласы бойынша да мәселе жоқ емес. Себебі ауданда электр бағандары мен сымдарының ескіргені, олардың ауа райының қолайсыздығына төтеп бере алмайтыны айтпаса да белгілі. Сондықтан бұл мәселелерді кезең-кезеңімен шешу керек деп есептеймін.

Ауданда соңғы жылдары жол құрылысы қарқын алды. Десе де бұл жолға қатысты мәселе түбегейлі шешімін тапты дегенді білдірмейді. Себебі ауданда әлі де жөндеуді қажет ететін ішкі көшелер бар. Мәселен, М.Байтөреев, А.Ізтелеуова көшесінің бас жағы, Т.Қыстаубаев, Шоңбай ақын, М.Шәменов көшелері бүгінде жөндеуді қажет етеді. Бұған қатысты елдің мәселесі ертеңге қалмауы керек. Білім саласындағы мәселелерді шешуге, білім берудің үздік әлемдік стандарттарына қол жеткізуге, білім саласының өркендеуіне қолдау көрсетуге, жалпы жастардың сапалы білім алуына барлық жағдай жасалуы тиіс. Өскелең ұрпақтың спорттық және шығармашылық әлеуетіне де назар аударып, олардың спортпен, шығармашылықпен айналысуына жағдай жасаймын. Қазіргі таңда Т.Жүргенов атындағы №123 мектеп-лицейіне 200 орындық қосымша ғимарат құрылысын салу жұмысына ықпал ету және сапалы, уақытында бітуіне жұмыс жасау қажет. Сонымен қатар дәл осы білім ошағының жылу жүйесін көгілдір отынға ауыстыру үшін жобалау-сметалық құжаттама әзірленуін қадағалаймын. Аз қамтамасыз етілген және көпбалалы отбасылардың балаларына әлеуметтік көмек көрсетудің, соның ішінде ыстық тамақпен және киім-кешекпен қамтамасыз етілуін, сауықтыру-демалыс лагерлерінде болуына қолдау көрсетіп, үнемі бақылауға алып отыруды жүзеге асырамын.

Аудан бойынша күрделі жөндеуді қажет ететін медициналық нысандарды жөндеу жұмыстарының сапалы түрде жүргізілуіне ықпал етемін. Ауылдық елді мекендерге көлесек, Мырзабай ахун және Есет батыр ауылының дәрігерлік амбулатория құрылысының басталуына жұмыс жасаймын. Себебі ауыл халқына сапалы медициналық қызмет қай уақытта болсын қолжетімді болуы керек деп есептеймін.



Қадірменді сайлаушылар!

«Жас келсе, іске» демекші егер сіздердің басым дауыстарыңызға ие болсам, жаңа идеяларымыз жүзеге асырып, жақсы жетістікке жетеміз деп ойлаймын және сенімдімін. Әрбір аудан тұрғынының ұсыныс-пікірі мен үшін маңызды. Мен үшін сайлаушылар сенімі бөрінен жоғары. Баршаңызды алдағы саяси науқанда маған дауыс беруге шақырамын.

Қаржысы республикалық бюджеттің қаражатынан төленді

№4 сайлау округі бойынша Жалағаш аудандық мәслихат депутаттығына кандидат Боранбаев Ерлан Өміртайұлының өмірбаяны мен сайлауалды бағдарламасы

Өмірбаяны

Боранбаев Ерлан Өміртайұлы 1985 жылы 29 сәуірде Жалағаш ауданы Бұқарбай батыр ауылында дүниеге келген. Өңірдегі М.Мөметова атындағы Қызылорда жоғары колледжі және Болашақ университетін тәмамдаған. Отан алдындағы борышын өтеп, білім саласы бойынша жұмыс жасап, тәжірибе жинаған. Қазіргі таңда Бұқарбай батыр ауылындағы білім ордасы №33 орта мектеп директоры қызметін атқарады.

Сайлауалды бағдарламасы

Нақтылық – бүгінгі сөзден іске көшкен дәуірдің басты ұраны. Халыққа ерқашан жақын болып, елдің ортасынан табыла білсек қана біздің шешілмеген мәселеміз қалмайды. Менің өмірлік ұстанымым – айтылған сөз, берілген уәде, тындырымды іс. Халық – Құдайдың бір аты. Депутат болу мәртебе емес, депутат бола тұра елдің алдында берілген уәдені орындау абырой. Сондықтан айтылған сөзім, берілген уәде нақты істермен дәлелденеді. Сайлаушылардың сенімін ақтаудан артық абырой жоқ. Менің биылғы саяси додаға қатысқандағы басты мақсатым – ауданның болашағын жарқын мақсатын айқын ете отырып, заманауи өңір болып өсуі мен дамуы үшін өз үлесімді қосу. Олай болса, мен сайлаушылардың сенімін иемденіп, депутат деген мәртебелі мандатқа қол жеткізсем, Жалағаш ауданындағы мынадай өзекті мәселелердің оң шешімін табуына тер төгер едім.

ЭКОНОМИКАНЫ ІЛГЕРІЛЕТУ

Ауданның табиғи және инфрақұрылымдық ерекшеліктеріне сай өндіріс орындарын ашуға ықпал ету. Шағын және орта бизнесті дамыту, жас кәсіпкерлерге қолдау көрсетуге жұмыс жасап, жергілікті бюджетке қосымша кіріс көздерін ашуды ұйымдастыруға; Жұмыссыздық деңгейін түсіруде, оның ішінде жаңа жұмыс орындарын ашу бойынша тиісті орындарға жеткізу және орындалуына ықпал ететін боламын. Аудандағы кәсіпкерлерді ұйымдастыру отырып, әлеуметтік жағынан аз қамтылған отбасыларға тиісінше көмек көрсетуге; Жалағаш кентінде емдеу мекемелеріне (100 орындық орталық аурухана, 20 орындық жұқпалы аурулар ауруханасы, ауысымына 250 қолдусыз емханалар) жүйесі құрылысының мәселесін шешуге; «Дені сау ұлы – жаны сау» салауатты өмір салтын қалыптастыру мақсатында балаларға арналған ойын алаңдарын салуға және орталық стадионды қайта жаңғырту; Дене шынықтыру, спорт, мәдени мұра мен шығармашылық жұмыстардың белсенділігін насихаттау бағытындағы жұмыстарды жандандыруға атсалысатын боламын.

ЕЛДІ МЕКЕН АЖАРЫ – АЗАМАТ АБЫРОЙЫ

Өзіме қарасты округ тұрғындарының аяқ сумен қамтамасыз етілуіне, көше бойындағы талдарды бірлуге жұмыстар жасалатын болады.

Тұрғындардың сапалы өмір сүру деңгейін арттыру мақсатында сапасы сын көтермейтін көшелер жөндеуді қажет. Ең алдымен М.Шәменов көшесінің биыл күрделі жөндеуден өтуіне ықпал ететін боламын. Ауданда ауа райының қолайсыздығы уақытында жарықтар болмай, тұрғындардың тұрмыс-тіршілігіне кедергі болып жатады. Осы мәселенің алдын алу мақсатында жарық шамдардың, электр бағаналарының, қосалқы станциялардың кезең-кезеңімен жаңартылуы бойынша тиісті орындарға жеткізіп, оңтайлы шешім табуына күш-жігерімді саламын.

РУХАНИЯТ – АДАМ ЖАНЫНЫҢ АЗЫҒЫ

Ауданымыздың өсіп-өркендеуі жолында тер төккен қайраткерлеріміз жеткілікті. Осы азаматтарымызды насихаттау жолындағы жұмыстарды жандандыруымыз қажет. Ол түрлі мәдени іс-шаралардың ұйымдастырылуына және өскелең ұрпаққа насихаттау шараларының өткізілуіне; Ұмыт болған ұлттық құндылықтарымызды, салт-дәстүрлерімізді жаңғырту мақсатында танымдық шаралардың өтуіне; Жастарды ата кәсіпке баулып, өлке тарихын білуге үндейтін жұмыстарды жүйелендіруге атсалысатын боламын.

Құрметті сайлаушылар! Құрметті ағайын!

«Қазақта төртеу түгел болса, төбедегі келер» деген жақсы сөз бар. Тұлпардың төрт тағанындай сайлауалды бағдарламамды да негізгі төрт бағыт бойынша айқындап отырмын. Жалағаш ауданының келешегін қымбат көретін барлық сайлаушыларды менімен бірге болуға шақырамын. Сіздердің азаматтық



көзқарастарыңыз аса қажет және ой-пікірлеріңіз өте маңызды! Біз тек бірлік пен татулықтың арқасында бар қиындық еңсеретініміз хақ! Дұрыс таңдау жасау сіздердің еріктеріңізде, уәдені орындау – менің азаматтық парызым. Сіздер мені қолдап дауыс берер болсаңыздар, мен де сіздердің сенімдеріңізден шығамын деп ойлаймын.

Қаржысы республикалық бюджеттің қаражатынан төленді

№4 сайлау округі бойынша Жалағаш аудандық мәслихат депутаттығына кандидат Кайранбаева Айжан Шитыбаевнаның өмірбаяны мен сайлауалды бағдарламасы



бастамаларымды жергілікті атқарушы билік өкілдерінің алдына қоя отырып, олардың оң шешілуіне ықпал етуді, өзім туып-өскен Жалағаш ауданының әлеуметтік-экономикалық дамуына сүбелі үлес қосуды азаматтық парызым деп есептеймін.

Қаржысы республикалық бюджеттің қаражатынан төленді

Өмірбаяны

Кайранбаева Айжан Шитыбаевна 1979 жылы 5 қаңтарда Қызылорда облысы Жалағаш ауданында көпбалалы отбасында дүниеге келген. 1996 жылы Жалағаш кентінде орналасқан №31 мектепті бітірген. 1996-2000 жылдары Алматы қаласындағы Әл-Фараби атындағы Қазақ мемлекеттік ұлттық университетінің «Филология» факультетінде оқыған. 2009 жылы Қызылорда гуманитарлық университетінің педагогика-психология мамандығы бойынша білімін толықтырған. 2000-2005 жылдары Жалағаш кентінде орналасқан №201 орта мектепте «Орыс тілі және әдебиеті пәні» мұғалімі ретінде еңбек етіліп бастады. 2006-2017 жылдары Ш.Ермағанбетова атындағы №246 орта мектепте педагог-психолог қызметін атқарды. 2017 жылдан бастап Қызылорда облысы білім бөлімі Жалағаш ауданы бойынша білім бөлімінің «№19 санаторлық бөбекжай-бақшасы» КММ-ның басшысы болып қызмет атқарып келеді. Айжан Шитыбаевна берілген тапсырмаларды мұқият, тиянақты, жауапкершілікпен орындап келеді, өзінің ізінен еріп келе жатқан жас мамандарға үлгілі тәлім-тәрбие көрсетуде. Жұмыс барысында іс-тәжірибесін жетілдіру үшін әртүрлі курстарға қатысып, өз білімін жетілдірді. 2017 жылы маусым айында Мектепке дейінгі ұйымдарда білім беру процесін жалпы білім берудің жаңа үлгілік бағдарламасына сәйкес жобалау; 2018 жылы Біліктілік беру туралы «Сертификат» КБ №0965001 алды. 2020 жылы ҚР Білім және ғылым министрлігі «Өрлеу» БАҰО тақырыбы: Мектепке дейінгі тәрбие мен оқыту мазмұнын жаңарту аясында МДҰ педагогикалық

менеджмент курсын оқыды.

2021 жылы ҚР Білім және ғылым министрлігінің Педагогикалық шеберлік орталығының Қызылорда қалалық филиалы мектепкедейінгі ұйым басшыларының біліктілігін арттыру білім беру бағдарламасы бойынша 80 академиялық сағат көлеміндегі курс Сертификат ВВ №001191 алды. Айжан Шитыбаевна қоғамдық жұмыстарға белсене қатысып, тынымсыз еңбегінің, жүйелі жұмысының нәтижесінде жетістіктерге жетті. Жалағаш аудандық білім бөлімі мен кәсіподақ аудандық кеңесінің «Құрмет» грамотасы. Облыстық психологиялық медициналық-педагогикалық консультациясының алғыс хаты. Жалағаш ауданының әкімдігі «Үздік мектепке дейінгі білім беру ұйымы» номинациясы берілді. «Өрлеу» біліктілік арттыру ұлттық орталығының «Тәрбие басы – тал бесік» әдістемелік құрал 2018 жылы 5 желтоқсан балабақша педагогтары шығарған жинаққа мақала жарияланды. «Білім-Нұр» Халықаралық ғылыми-әдістемелік және педагогикалық журналға «Жаңа тұрпатты тәрбиеші ұғымы» тақырыбында мақаласы жарияланды. Жалағаш ауданының 80 жылдығына арналған мерейтойлық медальмен марапатталды. Елордада өткізілген «Білім және ғылым» тамыз конференциясының қатысушысы. ҚР Білім және ғылым министрлігінен «Құрмет» грамотасымен марапатталды. «Ел тілегі» Республикалық тәуелсіз ақпараттық қоғамдық-саяси басылымға «Балалардың бағбанына айналған» тақырыбында мақаласы жарияланды. ҚР Білім және ғылым министрлігіне нормативтік құқықтық актілер жобаларын талқылау бойынша комиссия құрамында болған. INTELLIGENCE.KZ Республикалық ақпараттық, ғылыми-педагогикалық журналына «Мектепке дейінгі

білім беру мекемелерінде балалардың жеке тұлғалық ерекшеліктерін қалыптастыру және дамыту ерекшеліктері» тақырыбында мақаласы шықты.

Сайлауалды бағдарламасы

1. Ауданда кәсіпкерлік нысандарын және өндіріс орындарын ашу бойынша жұмыстарға ықпал жасаймын.
2. Жас кәсіпкерлерге қолдау көрсетуге жұмыс жасап, өңірде жұмыссыздар қатарын азайтуға жұмыс жасаймын.
3. Аз қамтылған отбасыларға, көпбалалы аналарға көмек көрсетуге аса мән беремін.
4. Жалағаш кентінде емдеу мекемелеріне жас медицина мамандарын тартуға ықпал жасаймын.
5. Балаларға арналған ойын алаңдарын салу және орталық стадионды қайта жаңғырту аясында жұмыстарға қолдау білдіремін.
6. Өзіме қарасты округ тұрғындарының жаз мезгілінде аяқсумен қамтамасыз етілуіне мән беремін.
7. Ауданда мәдени іс-шаралардың ұйымдастырылуына және аудан азаматтарының жетістіктерін насихаттау шараларының өткізілуіне қолдау жасаймын.

Есептілік пен сыбайлас жемқорлыққа қарсы туру біздің ең негізгі қағидатымызға айналуы керек. Осы мақсаттарға қол жеткізу үшін халыққа көрсетіліп жатқан мемлекеттік қызметтердің сапасын арттыру, жергілікті атқарушы органдарда «Ашық есік» күндерін ұйымдастырып, онда жергілікті тұрғындардың шешімін таппай жүрген мәселелері талқыланып, ортақ шешімдер қабылданатын алаңшаларға айналуы тиіс.

Құрметті сайлаушылар!

Маған сенім артылып, Жалағаш ауданының мәслихат депутаты болып сайлансам, көтеріп отырған

№4 сайлау округі бойынша Жалағаш аудандық мәслихат депутаттығына кандидат Искакова Бакыткул Жумабековнаның өмірбаяны мен сайлауалды бағдарламасы



білек сыбана кірісемін. Сондықтан 19 наурызда өтетін мемлекетіміз үшін өте маңызды сан асау нақанда әрқайсысыңыз белсене атсалысады деп ойлаймын.

Қаржысы республикалық бюджеттің қаражатынан төленді

Өмірбаяны

Искакова Бакыткул Жумабековна 1965 жылы 14 сәуірде Қызылорда облысы Жалағаш ауданында дүниеге келген. 1987 жылы Түркістан индустриалды педагогикалық техникумын бітірді. 2003 жылы Қоқыт ата атындағы Қызылорда мемлекеттік университетін тәмамдады. Еңбек жолын 1987 жылы №115 орта мектепте еңбек пәнінен мұғалім болып бастаған. Кейін №18 балабақшада музыка жетекшісі; №18 балабақшада тәрбиеші; Жалағаш аудандық білім бөлімінде әдіскер; Жалағаш аудандық білім бөлімінде Психологиялық-медициналық-педагогикалық кабинет меңгерушісі; Жалпы білім беретін кешкі мектептің меңгерушісі; Жалағаш аудандық Психологиялық-медициналық-педагогикалық консультациясы мекемесінің меңгерушісі; «Жауқазын» бөбекжай-бақшасы меңгерушісі болып қызмет атқарған. Қазіргі таңда «Арай» бөбекжай-бақшасы меңгерушісі болып еңбек етеді.

Құрметті жерлестер!

19 наурызда өтетін барлық деңгейдегі мәслихат депутатын сайлау науқанына мәслихат мінберіне үміткер ретінде түсудемін. Білім саласында ұзақ жылғы тәжірибемді, өмірлік білімді аудандағы білім

саласының дамуына және басқа да мәселерді шешуге арнайтын боламын. Сол сөзбен сіздерге үгіт-насихат асырды өзімнің сайлауалды бағдарламамды ұсынып отырмын.

Сайлауалды бағдарламасы

Сенім сіздерден, сол сенімді ақтау менің – парызым!

Мемлекет басшысы Қасым-Жомарт Тоқаевтың мемлекеттік саясатын іске асыруда қажырлы еңбек етемін. Өңірде білім саласын дамытып, тұралап қалған мәселелерді шешуге дайынмын. «Жайлы мектеп» бағдарламасы аясында жаңа мектеп ғимаратын салу жұмыстарына ықпал жасаймын. Мектеп оқушыларының қауіпсіздігін қамтамасыз ету, оқушыларға, ата-аналарға психологиялық көмек беруге аса мән беремін. Оқушылардың асырғанын қамтамасыз етілуі барысын қатаң қадағалаймын. Аз қамтылған, толық емес отбасылардың балаларына маусымдық киім-кешектерін табыстау жұмыстарын жүзеге асыруға ықпал жасаймын. Оқушылардың сабақтан тыс уақытын тиімді өткізу үшін үйірмелер санын арттыру және жұмысын бір жүйеге қоямын. Жастардың өзін-өзі дамыту, өнер және спортпен айналысуына жағдай туғызуға қолдау көрсетемін. Дарынды жастардың жарыстарға баруына демеушілік жасайтын кәсіпкерлер тарту жұмыстарына мән беремін. Кәсіпкерлік – ел экономикасының драйвері

демекші, ауданда кәсіпкерлік субъектілерінің қатарын арттыруға ықпал жасаймын. Әсіресе аталған салаға жастардың көптеп келуіне аса мән беремін.

Мемлекеттен берілетін атаулы көмектердің дұрыс аударылуын қатаң қадағалаймын. Зейнетке шыққан аға-апаларымызды қоғамдық өмірге белсене араласуына ықпал жасаймын. Яғни ауданда концерттік, танымдық іс-шаралардың ұйымдастырылуына қолдау көрсетемін. Қауіпсіз орта тұжырымдамасы бойынша жұмыс жасаймын. Тұрғындардың рухани сауаттылығын арттыруға қолдау көрсетемін. Сыбайлас жемқорлық төуекелдерін азайтуға жұмыс жасаймын.

Жалағаш кентінде емдеу мекемелеріне жас медицина мамандарының келуіне қолайлы жағдай тудырамын. Балаларға арналған ойын алаңдарын салу және күтіп ұстау жұмыстарына қатаң бақылау болады. Өзіме қарасты округ тұрғындарының әлеуметтік жағдайына ай сайын талдау жүргізіп, жеке көздеремін. Аталған мәселелер бойынша тікелей жергілікті атқару органдарына сұрау салу арқылы шешімін табуға барынша аянбай еңбек етемін.

Құрметті сайлаушылар!

Маған артқан сенімді абыроймен атқаруға, халық аманатын бұлжытпай орындауға уәде беремін. Сіздердің қолдауларыңызбен мәслихат мінберіне барып жатсам, сайлауалды бағдарламамда көрсетілген бағыттарды орындауға барынша аянбай,

Білгенге маржан



Жүйке ауруларынан арылғыңыз келсе...

Жүйке ауруларынан арылу үшін жұмыртқаның да пайдасы көп. Алайда біз айттып отырған жұмыртқаның пайдасын білмейтін адам кемде-кем. Деректерге мән берсек, жұмыртқаны пайдалану ежелгі Үнді жерінде бастау алған десе-ді. Әсіресе қыз-келіншектер беттің терісін тарту, әжімнен арылу үшін шикілей пайдаланады. Бет күтімінде таптырмайтын жұмыртқаның құрамында адам ағзасына қажетті көптеген дәрумендер бар. Тіпті таңертеңгілік асылған жұмыртқамен ауқаттанған адамда әлсіздік деген болмайды, керісінше күні бойы тоқ жүреді.

Мәселен жұмыртқаның миға пайдалы тұсын айтар болсақ, алдымен оның құрамындағы холин дәруменін айта аламыз. Өйткені холин дәрумені мидың маңызды қажет ететін дәруменінің бірі. Күніне екі тауық жұмыртқасын тұтынғанда ағза қоректік заттардың жеткілікті мөлшерін алады. Ал осы холиннің жетіспеушілігі есте сақтау қабілетінің төмендеуіне алып келеді. Көзге де пайдалы саналатын жұмыртқа лютеиннің көп мөлшерін қамтиды. Бұл зат көздің айқын, өрі өткір көруіне жауапты болады. Демек жұмыртқаны көп тұтынғанда көздің нашарлауының алдын алуға да көбірек мүмкіндік бар деген сөз. «D» дәрумені кальцийдің жақсы сіңуіне және адамның сүйегі мен тістерін қатайтуға көмектесетінін жақсы білеміз. Ендеше дәл осы жұмыртқаның құрамынан бұл дәруменді де таба аласыз. Сонымен бірге жұмыртқаның құрамында көздеріміз «B» дәрумені, биотин, витамин В12, сондай-ақ қоректік сіңімді протеин шашты және теріні нығайтуға көмектессе, американдық ғалымдар төменгі калориялы диетамен, таңерттегі асқа жұмыртқаны бірге қолдану азуды екі есе жылдамдататындығы жөнінде қорытындыға келген. Себебі мұндай таңғы ас ұзақ мерзімге тоқтықты сақтайды. Демек артық салмақтан арылғыңыз келсе таңғы асқа асылған жұмыртқаны тұтыныңыз. Бұл адамды ұзақ уақыт тоқ жүргізгенімен, құрамында майлы, зиянды заттар жоқ.

Ең бастысы жұмыртқа тұтынған адамда қатерлі ісік қауіпі төмендейді екен. Миға қажетті холин, сондай-ақ қатерлі ісік ықтималдығын да азайтады. Зерттеулерде жеткіншек шақтарында күнделікті тағамға жұмыртқа тұтынған әйелдер арасында, 18 пайызға дейін сүт безі қатерлі ісігінің

даму қауіпі төмендеген екен. Бұдан бөлек балалы болуды жоспарлаған кезде де жұмыртқаның көмегіне жүгінуге болады. Бұл ретте «B» дәрумендер тобының қызметі үлкен. «B9» дәрумені – «Фоллий қышқылы» аталатын өзге де атауға ие. Оның көмегімен, қызыл қан жасушалары түзіліп, ұрықтың жүйке түтікшесі қалыптасады, баланың кешөйлдеген ақыл-ой психикалық даму қауіпін де азайтады. Ал жоғарыда атап өткендей жұмыртқаны бет күтіміне пайдаланса қартаю үдерісін баяулатуға болады. Бұл жөнінде де ғалымдар зерттеулер жүргізіп, 35-тен 40 жас аралығындағы әйелдердің 87 пайызында пигмент дақтар жоғалғанын және тері тартылғанын байқаса, ал ер адамдардың көз айналасындағы ұсақ дақтар азайған.

Жалпы, жұмыртқаны қайнатып, не болмаса қуырып жеу арқылы асқазанды ғана емес, бар ағзаны пайдалы элементтер және дәрумендермен толтыруға болады. Құрамындағы ақуыз, йод, фосфор, селен тағы сол сияқты элементтер созылмалы аурулардың алдын алады. Сондай-ақ оның құрамында А, В, Д, Е дәрумендерінен бастап, бас-аяғы 13 дәрумен кездеседі. Жұмыртқада калорий аз. Бір жұмыртқаның құрамында орта есеппен 76 калорий ғана бар. Ал майлылығы небәрі 10%. Жұмыртқа ағзадағы холестерин мөлшерін төмендетіп, жүрек, жүйке және онкологиялық аурулардың пайда болуына жол бермейді. Сондықтан дұрыс тамақтануда жұмыртқаны да ас мәзіріне қосуды ұмытпаңыз.

Нұр НАУАН

Сайлаушылардың назарына!

«Қазақстан Республикасындағы сайлау туралы» Қазақстан Республикасының Конституциялық заңының 28-бабының 4-тармағына сәйкес 2023 жылғы 19 наурызға тағайындалған Қазақстан Республикасы Парламенті Мәжілісі мен мәслихат депутаттарының кезектен тыс сайлауында Жалағаш аудандық мәслихат депутаттығына кандидаттардың сайлаушылармен **КЕЗДЕСУ КЕСТЕСІ:**

№	Үміткердің аты-жөні	Кездесу өткізілетін орын	Кездесудің өткізілетін күні	Кездесудің өткізілетін уақыты
1	Курманбаева Гулшат Ердаулетовна	Жалағаш кенті, Жалағаш ауданының мәдениет және спорт бөлімінің «Руханият орталығы» коммуналдық мемлекеттік қазыналық кәсіпорнының ғимараты	07.03.2023 жыл	Сағат 10.00
2	Садуақасов Бакытжан Бекетович	Жалағаш кенті, Жалағаш ауданының мәдениет және спорт бөлімінің «Қ.Қазантаев атындағы мәдениет үйі» коммуналдық мемлекеттік қазыналық кәсіпорнының ғимараты	03.03.2023 жыл	Сағат 10.00
3	Қурақбаев Бозжан Түлеутасвич	Жалағаш кенті, «Жалағаш аудандық мәдениет және тілдерді дамыту бөлімінің Қонысбек Қазантаев атындағы Мәдениет үйі» коммуналдық мемлекеттік қазыналық кәсіпорнының ғимараты	15.03.2023 жыл	Сағат 12.00
4	Амандық Нұржан Райсұлы	Жалағаш кенті, Жалағаш ауданының мәдениет және спорт бөлімінің «Руханият орталығы» коммуналдық мемлекеттік қазыналық кәсіпорнының ғимараты	28.02.2023 жыл	сағат 11.00
5	Максұтов Еркебұлан Максұтұлы	Жалағаш кенті, Жалағаш ауданы бойынша білім бөлімінің «Т.Жүргенов атындағы №123 мектеп-лицейі» коммуналдық мемлекеттік мекемесінің ғимараты	02.03.2023 жыл	сағат 11.00
6	Боранбаев Ерлан Өміртайұлы	Жалағаш кенті, Жалағаш ауданы бойынша білім бөлімінің «Ақмаржан» бөбекжайы-бақшасы коммуналдық мемлекеттік мекемесінің ғимараты	10.03.2023 жыл	сағат 11.00
7	Жаксыбаев Ерлан Еркінұлы	Жалағаш кенті, Жалағаш ауданы бойынша білім бөлімінің «Аль-Фараби атындағы №201 мектеп-лицейі» коммуналдық мемлекеттік мекемесінің ғимараты	23.02.2023 жыл	Сағат: 11.30
8	Жанашев Сабит Еркінболович	Жалағаш кенті, Жалағаш аудандық білім бөлімінің «Жалағаш аудандық оқушылар үйі» коммуналдық мемлекеттік мекемесінің ғимараты	21.02.2023 жыл	Сағат 15.30
9	Дүзелбаева Салтанат Берикбаевна	Жалағаш кенті, Жалағаш аудандық білім бөлімінің «Жалағаш аудандық оқушылар үйі» коммуналдық мемлекеттік мекемесінің ғимараты	21.02.2023 жыл	Сағат 14.15
10	Елеусінов Айдос Мырзабекұлы	Ақсу ауылы, Ақсу ауылдық округі әкімі аппаратының «Ақсу ауылдық клубы» коммуналдық мемлекеттік қазыналық кәсіпорнының ғимараты	21.02.2023 жыл	сағат 10.00
11	Боранқұлов Абай Байпанұлы	Жалағаш кенті, Жалағаш ауданының мәдениет және спорт бөлімінің «Руханият орталығы» коммуналдық мемлекеттік қазыналық кәсіпорнының ғимараты	15.03.2023 жыл	сағат 11.00
12	Мерекеев Жарасбек Ұланұлы	Жалағаш кенті, Жалағаш ауданының мәдениет және спорт бөлімінің «Руханият орталығы» коммуналдық мемлекеттік қазыналық кәсіпорнының ғимараты	16.03.2023 жыл	сағат 11.00
13	Наурызбаев Ерболат Сабырович	Ақсу ауылы, Ақсу ауылдық округі әкімі аппаратының «Ақсу ауылдық клубы» коммуналдық мемлекеттік қазыналық кәсіпорнының ғимараты	01.03.2023 жыл	сағат 10.00
14	Байжанов Жантас Нағыметұлы	Қаракеткен ауылы, Қаракеткен ауылдық округі әкімі аппаратының «Қаракеткен ауылдық клубы» коммуналдық мемлекеттік қазыналық кәсіпорнының ғимараты	24.02.2023 жыл	сағат 15.00
15	Елеусінов Өмірзақ Тұрымбетұлы	Қаракеткен ауылы, Қаракеткен ауылдық округі әкімі аппаратының «Қаракеткен ауылдық клубы» коммуналдық мемлекеттік қазыналық кәсіпорнының ғимараты	24.02.2023 жыл	сағат 15.00
16	Жұмабек Еділ Шыңәліұлы	Далдабай ауылы, Қаракеткен ауылдық округі әкімі аппаратының «Далдабай ауылдық клубы» коммуналдық мемлекеттік қазыналық кәсіпорнының ғимараты	21.02.2023 жыл	сағат 15.00
17	Тұрсынбай Газизбек Қуанбекұлы	Шаманов ауылы, Шаманов ауылдық округі әкімі аппаратының «Шаманов ауылдық клубы» коммуналдық мемлекеттік қазыналық кәсіпорнының ғимараты	22.02.2023 жыл	сағат 10.00
18	Құдабаев Даурен Қожабекұлы	Далдабай ауылы, Қаракеткен ауылдық округі әкімі аппаратының «Далдабай ауылдық клубы» коммуналдық мемлекеттік қазыналық кәсіпорнының ғимараты	22.02.2023 жыл	сағат 11.00
19	Молдашев Самұрат Абиқасимович	Бұқарбай батыр ауылы, Бұқарбай батыр ауылдық округі әкімі аппаратының «Бұқарбай батыр ауылдық мәдениет үйі» коммуналдық мемлекеттік қазыналық кәсіпорнының ғимараты	27.02.2023 жыл	сағат 16.00
20	Ахатаев Роллан Ақарыстанұлы	Бұқарбай батыр ауылы, Бұқарбай батыр ауылдық округі әкімі аппаратының «Бұқарбай батыр ауылдық мәдениет үйі» коммуналдық мемлекеттік қазыналық кәсіпорнының ғимараты	28.02.2023 жыл	сағат 10.00
21	Ахетов Қуат Адисович	Қаракеткен ауылы, Қаракеткен ауылдық округі әкімі аппаратының «Қаракеткен ауылдық клубы» коммуналдық мемлекеттік қазыналық кәсіпорнының ғимараты	28.02.2023 жыл	сағат 11.00
22	Абдреева Бахыт Токтасинова	Жанаталап ауылы, Жанаталап ауылдық округі әкімі аппаратының «Жанаталап ауылдық клубы» коммуналдық мемлекеттік қазыналық кәсіпорнының ғимараты	01.03.2023 жыл	сағат 10.00
23	Шилдебаева Ләйла Алыпсаевна	Аққыр ауылы, Аққыр ауылдық округі әкімі аппаратының «Аққыр ауылдық клубы» коммуналдық мемлекеттік қазыналық кәсіпорнының ғимараты	03.03.2023 жыл	сағат 11.00
24	Қыпшақбаев Нұрлан Ақдильдаевич	Жанаталап ауылы, Жанаталап ауылдық округі әкімі аппаратының «Жанаталап ауылдық клубы» коммуналдық мемлекеттік қазыналық кәсіпорнының ғимараты	01.03.2023 жыл	сағат 10.00
25	Көшерев Абай Қырғызбайұлы	Аққыр ауылы, Аққыр ауылдық округі әкімі аппаратының «Аққыр ауылдық клубы» коммуналдық мемлекеттік қазыналық кәсіпорнының ғимараты	03.03.2023 жыл	сағат 11.00
26	Турганов Канат Жаксыбаевич	Мәдениет ауылы, Мәдениет ауылдық округі әкімі аппаратының «Мәдениет ауылдық клубы» коммуналдық мемлекеттік қазыналық кәсіпорнының ғимараты	27.02.2023 жыл	сағат 10.00
27	Айтжанова Үлжайна Айтжанқызы	Мәдениет ауылы, Мәдениет ауылдық округі әкімі аппаратының «Мәдениет ауылдық клубы» коммуналдық мемлекеттік қазыналық кәсіпорнының ғимараты	27.02.2023 жыл	сағат 10.00
28	Ержанов Ғалымжан Дастанович	Мәдениет ауылы, Мәдениет ауылдық округі әкімі аппаратының «Мәдениет ауылдық клубы» коммуналдық мемлекеттік қазыналық кәсіпорнының ғимараты	28.02.2023 жыл	сағат 12.00
29	Сыздықов Асқар Бұғыбайұлы	Мәдениет ауылы, Мәдениет ауылдық округі әкімі аппаратының «Мәдениет ауылдық клубы» коммуналдық мемлекеттік қазыналық кәсіпорнының ғимараты	25.02.2023 жыл	сағат 10.00
		Мәдениет ауылы, Мәдениет ауылдық округі әкімі аппаратының «Мәдениет ауылдық клубы» коммуналдық мемлекеттік қазыналық кәсіпорнының ғимараты	25.02.2023 жыл	сағат 15.00
		Мәдениет ауылы, Мәдениет ауылдық округі әкімі аппаратының «Мәдениет ауылдық клубы» коммуналдық мемлекеттік қазыналық кәсіпорнының ғимараты	28.02.2023 жыл	сағат 15.00
		Мәдениет ауылы, Мәдениет ауылдық округі әкімі аппаратының «Мәдениет ауылдық клубы» коммуналдық мемлекеттік қазыналық кәсіпорнының ғимараты	07.03.2023 жыл	сағат 11.00
		Мәдениет ауылы, Мәдениет ауылдық округі әкімі аппаратының «Мәдениет ауылдық клубы» коммуналдық мемлекеттік қазыналық кәсіпорнының ғимараты	25.02.2023 жыл	сағат 10.00
		Мәдениет ауылы, Мәдениет ауылдық округі әкімі аппаратының «Мәдениет ауылдық клубы» коммуналдық мемлекеттік қазыналық кәсіпорнының ғимараты	02.03.2023 жыл	сағат 16.00
		Мәдениет ауылы, Мәдениет ауылдық округі әкімі аппаратының «Мәдениет ауылдық клубы» коммуналдық мемлекеттік қазыналық кәсіпорнының ғимараты	21.02.2023 жыл	сағат 10.00
		Мәдениет ауылы, Мәдениет ауылдық округі әкімі аппаратының «Мәдениет ауылдық клубы» коммуналдық мемлекеттік қазыналық кәсіпорнының ғимараты	22.02.2023 жыл	сағат 11.00
		Мәдениет ауылы, Мәдениет ауылдық округі әкімі аппаратының «Мәдениет ауылдық клубы» коммуналдық мемлекеттік қазыналық кәсіпорнының ғимараты	09.03.2023 жыл	сағат 10.00
		Мәдениет ауылы, Мәдениет ауылдық округі әкімі аппаратының «Мәдениет ауылдық клубы» коммуналдық мемлекеттік қазыналық кәсіпорнының ғимараты	10.03.2023 жыл	Сағат 10.00
		Мәдениет ауылы, Мәдениет ауылдық округі әкімі аппаратының «Мәдениет ауылдық клубы» коммуналдық мемлекеттік қазыналық кәсіпорнының ғимараты	21.02.2023 жыл	Сағат 10.00
		Мәдениет ауылы, Мәдениет ауылдық округі әкімі аппаратының «Мәдениет ауылдық клубы» коммуналдық мемлекеттік қазыналық кәсіпорнының ғимараты	22.02.2023 жыл	Сағат 11.30
		Мәдениет ауылы, Мәдениет ауылдық округі әкімі аппаратының «Мәдениет ауылдық клубы» коммуналдық мемлекеттік қазыналық кәсіпорнының ғимараты	23.02.2023 жыл	Сағат 11.30
		Мәдениет ауылы, Мәдениет ауылдық округі әкімі аппаратының «Мәдениет ауылдық клубы» коммуналдық мемлекеттік қазыналық кәсіпорнының ғимараты	15.03.2023 жыл	Сағат 11.00

Мәселе

Көктем жақындаса шаруашылықтардың шаруасы ширай бастайды. Егістікке дайындалатын жерін қамдап, аяқ су мәселесіне ден қояды. Бұған дейін шаруашылықтардың, диқандардың аяқ судан тапшылық көргенін жақсы білеміз. Өйткені дария суы тартылып, бұл мәселе жергілікті шаруашылықтарды титықтататын. Жыл сайын аяқсу тапшылығы қос бүйірден қысқанда гектарлап өгілген өнімінің шығымын ойлаған диқан қауым мәселенің шешімін табуға күш салып келеді.

Биылғы жыл да үш ай қысты артқа тастағалы тұр. Енді бірнеше күнде Жер-Ана бусанып, тіршілік жанданады. Ал жергілікті шаруашылықтар биылғы жылы аталған мәселемен бетпе-бет келе ме ол жағы әзірге уақыттың өңірінде. Дегенмен қамсыздық қапы қалдырмас үшін алдын ала қамданғанын артық етпесі анық. Сондықтан аяқсу мәселесінің алдын алу бағытындағы біршама жұмыстарға шолу жасағанды жөн көрдік. Жалпы, жыл сайын Сыр маржанын егіп, орналастыруда, оны күтіп-баптап, күздігүні мол өнім алуда жалағаштықтар көш бастап келеді. Өткен жыл еңбеккерлердің еселі еңбегінің нәтижелі болғанын көрсетті. Мәселен былтыр барлығы 35486,5 гектарға егіс орналастырылып, күтімге алынды. 194 шаруашылық егін орналастыру жұмыстарын жүргізсе, оның ішінде күріш дақылын орналастырған шаруашылықтар саны 137-ні құрайды екен. Егін орналастыруға қажетті 4 625 тонна күріш, 136 тонна жаздық бидай, 7,5 тонна арпа, 20 тонна жүгері, 13 тонна мақсары, 183 тонна қант құмайы, 4,3 тонна соя, 1 тонна сұлы, 73 тонна жоңышқа тұқымдары дайындалды. Сондай-ақ өртарапандыру бағытында өткен жылы алғаш рет 73 гектар қант құмайы, 39 гектар соя, 5 гектар сұлы, 2,5 гектар қант қызылшасы дақылдары орналастырылғанын да білеміз. Ал аудандық ауыл шаруашылығы бөлімі биыл ауыл шаруашылығы саласы бойынша орналастыратын дақыл өнімдерінің де болжамын белгілеп отыр. Ауданның ауыл шаруашылығы дақылдарының бекітілген сызбасына сәйкес, осы жылы 37 052 гектарға егіс орналастыру жоспарланған.

Оның ішінде негізгі дақыл күріш 19800, бидай 750, қант құмайы 70, арпа 70, соя 35, мақсары 520, сүрлемдік жүгері 700, сұлы 5, қант қызылшасы 2, жаңа жоңышқа 4850, ескі жоңышқа 7200, картоп 646, көкөніс 1108 және бақша өнімдері 1296 гектарға егіледі деп күтілуде. Қарап отырғанымыздай, бастысы жоспар бар, енді аяқсу мәселесінің алдын алып, жергілікті шаруашылықтардың су тапшылығын сезінбеуіне күш салу жұмысы тұр. Бірнеше жыл бұрын ауданда аяқ сумен қамтамасыз ету бойынша арнайы жұмысшы тобы құрылып, кент, ауылдық округтерді тұрақты аяқ сумен қамтамасыз ету бойынша зерделеу жұмыстары жүргізілді. Нәтижесінде, елді мекендер бойынша қайта қазуды және қайта тазартуды, су тартатын насостар қажетті аймақтар нақтыланды. 2020-2022 жылдары облыстық табиғи ресурстар және табиғат пайдалануды реттеу басқармасы арқылы Жалағаш кенті және 5 елді мекенге 11 су тартқыш насостар алынды. 2020 жылы 1 насос Еңбек ауылына, 2021 жылы Аққұм ауылына 2, Жаңаталапқа 1, Шамановке 1 насос, 2022 жылы Жалағаш кентіне 3, Аққыр ауылына 2, Мақпалкөлге 1 насос алынғаны белгілі. Сонымен бірге бұған дейін Жаңадария елді мекеніндегі «Мүлкілен» каналын тазарту, қайта қазу жұмыстары жүргізіліп, аяқсу мәселесінің алдын алуға бағытталған шаралар легі жалғасын тапқан болатын. Енді жоспар бойынша биылғы жылы Қаракеткен елді мекеніндегі «Бекбай» каналының 8,7 шақырымына облыстық табиғи ресурстар және табиғат пайда-



Аяқ судан тапшылық бола ма?

лануды реттеу басқармасы арқылы тазарту жұмыстары жүргізіледі. Сонымен қатар Қаракеткен және Жаңаталап елді мекендеріне техникалық су ұңғымасын бұрғылау жұмыстарының құрылысына облыстық бюджеттен 82,6 млн теңге қаржы бөлініп, қазіргі таңда мемлекеттік сатып алу жұмыстары жүргізілуде. Ал Жаңаталап елді мекеніне №1-ТВ, №2-ТВ, №3-ТВ техникалық су ұңғымасын бұрғылау жұмыстарының құрылысы 49,6 млн теңге, Қаракеткен елді мекеніне №1-ТВ, №2-ТВ техникалық су ұңғымасын бұрғылау жұмыстарының құрылысы да осы жылдың енісінде.

Будан бөлек, Жалағаш кентін аяқ сумен қамтамасыз ету үшін аудандық бюджет есебінен 3 жерге сұтартқыш насос қондырғылары орнатылатын болады. Соңғы мәселе де жыл сайын аудан тұрғындарының талап-тілегінен түспейтін. Өйткені қорасына аяқ су келмегендіктен жергілікті тұрғындар ауыз судың көмегімен бақшаларын суаратын. Ал бұл тиісінше өзгелердің ауыз су тұтынуына кедергі келтіріп, ақырында ауыз судың уақытылы берілуіне мүмкіндік болмайтын. Енді жоғарыдағы жоспар бойынша кентке де насос қондырғылары орнатылатын болса, жұртшылық аяқ судың тапшылығын

сезінбейді деп ойлаймыз. Әзірге аяқ су мәселесіне қатысты кесіп-пішіп айтуға ертелеу. Алдағы көктемгі науқан басталарда дарияның деңгейіне қарай жергілікті шаруашылықтар шаруасын қамдайтыны анық. Ал жергілікті биліктің елді мекендердегі диқан қауымын аяқ су тапшылығынан титықтамауы үшін сұтартқыш насос қондырғыларын орнатуды қолға алу құптарлық іс. Өйткені мәселе мені қашан табады деп отырғаннан, қашаннан оның алдын алған абзалырақ.

Нұр НАУАН

19 НАУРЫЗ МАРТА 2023



Жалағаш аудандық мәслихат депутаттығына үміткер

БАЙКОЖАЕВ САКЕН

ДАУЫС БЕРУГЕ ШАҚЫРАМЫН!

Қаржысы республикалық бюджеттің қаражатынан төленді

19 НАУРЫЗ МАРТА 2023



Жалағаш аудандық мәслихат депутаттығына үміткер

КАНАЛХАН ЕРМУРАТ

ДАУЫС БЕРУГЕ ШАҚЫРАМЫН!

Қаржысы республикалық бюджеттің қаражатынан төленді

Елім дейтін ер болса, ерім дейтін ел болар



Сонымен қатар жалынды ақын, айтыскер, 3 дүркін «Алтын домбыра» иегері Мұхтар Ниязовтың тұсауы кесілген құтты мекенінде «Тереңдік пен тектіліктің қайнары» атты кітабының да тұсауы кесілді.

Өз кезегінде Мұхтар Мәуленұлы осы шараға себепкер болған аудан басшысына алғысын айтып, Жалағаш сахнасы ақын үшін киелі қара шаңырақ, өнерінің бастау алған көзі, балалық шақтың аспаны сынды құтты мекен екенін тебірене жеткізді.

Еңбегінің туған жерінде, ағайындарымыз алдында тұсауы кесілуі – мен үшін үлкен бақыт, маған шабыт береді. «Тұсауын кескен кітап көп, шауып кеткені шамалы» демекші, «Тереңдік пен тектіліктің қайнары» атты бұл кітабым, адалдық пен әділдікті талап еткен Асқарбек Темірбекұлындай тұлғалар жүрген іздерді басса, мен үшін бұдан асқан бақыт жоқ, – деді ол.

Айтысты ақын «Құрмет» орденінің иегері, өнер жанашыры Мамыр Байдаулетов жүргізді.

Ұлттың болашағын ойлап, тіліміз бен діліміздің, салт-дәстүріміздің, мәдени құндылықтарымыздың ұлықталуына айрықша іңкәрлікпен атсалысқан бірегей тұлға Темірбек Жүргеновтың білім мен әдебиет, мәдениет пен өнер, жалпы ел басқару бағытындағы ұйымдастырушылық қабілетін, ел аузындағы біз білмейтін қайраткер туралы әңгімелерді, сондай-ақ Жалағаш өңірінің Ел Тәуелсіздігінің уақыт таразысындағы жеткен елеулі жетістіктерін айтыскерлер мақамына салып жырлап, халықты елдікке, бірлікке ұлттеп, саликалы жырымен елді сүйсіндірді. Айтыскерлердің мықты дайындықпен келгендігі сөз төркінін түсінген қауымға байқалып-ақ тұрды. Бірінен бірі оза шапты.

«Құрсағыңа құт дарып, қие қонып, Түлеттің небір шайыр, небір бектер,

Жүргеновтың жолымен жүретұғын, Перзентіңіз көп болса екен, жерім дептер.

Есіңді еңтелеп несібе-бақ, Бесіңде тербелсін Темірбектер» деген Елдар Әмірдің жыр-шумақтары көрерменнің жүрегін елжіретті.

«Қанша батыр елім деп басын берген, Оларды біз батыр деп таныықта. Қырғызда азиз басын шауып алған, Кеңесары соңғы хан ғой тарихта. Ал қазір Тәуелсіздік таңы атып тұр, Жігерді намысқа келіп жаныықта. Жігітері шығатұғын тұлғаланып, Қыздары ұстанатын тура бағыт. Сапарға кеткен ұлдарына, Апалары сары қазы сақтайтын ұңға малып.

Жалағашым жыл сайын қарыштауда.

Атағың тірелгендей шыға барып. Айнадай жарқыраған жолдарымен, Көліктер жүйткөйді зулап анық. Бронжелет шығарар зауытың бар, Солдаттар жүру үшін дін аман боп. Мияның да зауыты іске аспақшы, Жасаудан жалықпайсың тың жаңалық.

Негізінде Жалағаш әр ісінде, Ақынды тауса алмайды жырлап анық» деген жас ақынның өнері Жалағаш халқын рухтандырып қана қоймай, кеудесіне мақтанаш сөзімін ұпалтты.

Әрине аймағымыздың кіл мықты жас айтыскерлері жиналған ұлттық өнерді ұлықтаған жыр бәйгесінде әділ-қазылар үшін баға беру оңайға түспегені белгілі. Қазылар алқасының шешімімен жүлделі 3 орынды Сырдария ауданынан Мұхамеджан Мансуров, Қызылорда қаласынан Ерасыл Байментаев, Шилелі ауданынан Бекжан Ержігіт иеленсе, жүлделі 2 орынды Арал өңірінен Бексұлтан Орынбасаров қанжығасына байлады. Айтыскерлер

арасынан оза шапқан қара өлең мен жырдың мекені Қармақшыдан келген Тұрар Бекмұраевқа жүлделі 1 орын бұйырды. Айтыстың бас жүлдесін бабы мен бағы қоса шапқан қармақшылық Сырым Әділбеков иеленді.

Айта кетейік, айтыстың әділ-қазылары ақын Қазына Өзденбаева, айтыскер ақын 3 дүркін «Алтын домбыра» иегері Мұхтар Ниязов және әйгілі айтыскер ақын Нұрмат Мансуров жас ақындардың өнерін бағалап, сарапқа салды.

Аймағымыздың әр өңірінен ат терлетіп келген жас айтыскерлер мен жүлдегерлерге арнайы дипломдар мен алғыс хаттар және қаржылай сыйлықтар табысталды.

Айтыс соңында Темірбек Жүргенов атындағы қоғамдық қордың төрағасы Сәдуақас Аңсақ тау тұлға Темірбек Қараулының 125 жылдығы аясында өткізілетін іс-шаралардың өскелең ұрпақ, қоғам үшін мағызды екенін баса жеткізді.

Сондықтан тарихтан тағылым алып, ұлт үшін бастарын бөйгеге тіккен арыстарымыздың есімін мәңгі ұлықтап өткеніміз жөн.

«Есіміңе тағылған қара таңба, Түсірмес Темірбектей ұлдың құны.

Қолменен келегелеу мүмкін емес, Көксаспаннан тараған күннің ұрны» деп айтыскер жырағ қосқандай, арда азаматтың өмірі, еліне деген асқан сүйіспеншілігі бүгінгі ұрпақ үшін даңғыл жол болары хақ. Сондықтан да «Ерім дейтін ел болмаса, елім дейтін ер қайдан болсын» демекші, асыл азаматымыздың есімін халық алдында дәріптеп, құрметтеу – бүгінгі буынның парызы.



Ықылым заманнан елдің өркендеуі, дамуы, түрлі апаттан аман болуы да елдегі бірліктің мықты болуына байланысты екені белгілі. Қазақтың «Алтау ала болса, ауыздағы кетеді, төртеу түгел болса, төбедегі келеді» дегені де сондықтан, қашанда төрт құбылаңның түгел болуы ауызбіршілікке, елдегі ағайынның алғаусыз көңіліне кеп саяды. Саяқ жүрмеуді құп көрген ата-бабамыздың ынтымағы талай шапқыншылық пен көтерілістерде де пайда берген еді. Өйткені аз ғана қолмен мыңғырған жау әскеріне қарсы тұру, қарсы тұрып қана қоймай тойтарыс бере алу – тек мақсат-мүдденің бір жерден шығуынан, алауыздықтан ада болуынан келетін жеңіс. Ал жеңіс – елдің ортақ жемісі, ортақ қуанышы.



Береке басы бірлікте

Расында бірлігі бар елдің тірлігі де бекем болатынын біздің халық жете түсінеді. Оның дәлелі ретінде бүгінгі таңда Қазақстан жерінде көптеген ұлт пен ұлыс өкілдері күн кешіп жатқанын айтуға болады. Соған қарамастан ауданда ешқандай бөлшекшілік, өзгені өзекке тебу, ұлтаралық толқыныс деген сынды оқиғалар орын алмапты. Бұдан ұғатынымыз, өрине ешқандай да өлшеммен өлшенбейтін «бірлік» атты құндылық мәртебесінің биік болуы. Елдегі осындай үлгі қыларлық ерекшелігіміз ескерусіз де қалған емес, жыл сайын 1 наурыз күнін алғыс айту күні деп жар салып, тойлаймыз. Биыл міне, айтулы мерекеге де санаулы күн қалды.

Мерекенің маңызы сол, өзіміз тұратын елдегі өзге ұлт өкілдері де Алғыс айту күнін асыға күтеді. Халықтар достығын бірінші орынға қоятын қазақстандықтардың осы бір қасиеті көптеген ел үшін «Қазақстанды бірлік пен татулықтың» мекені еткен болатын. Осындай маңызды мереке аясында кент тұрғыны, украин ұлтының өкілі Виолетта Бондаренкомен сұхбаттасқан едік. Шаңырағына еңгенен қазақтың менталитетіне тән ерекше ілтипатпен қарсы алып, «Наннан ауыз тиініз» деген кейіпкеріміздің осы құрметінен-ақ әрбір салт-дәстүрге ден қоятынын түсіндік. Мұнан ары әңгімелесе отырып, жақынырақ таныстық.

Виолетта 1993 жылы ауданға қарасты Бұқарбай батыр ауылында

туған. Әкесі украин, анасы қазақ. Қазақстанда туып-өскен соң болар, кейіпкеріміздің сөйлеген сөзінен ешқандай қателікті, кем-кетікті байқамадық. Тіпті қазақшасы анық, қазақтың қарапайым күнделікті тұрмыстағы үрдістерінің барлығын біледі. 4 жыл бұрын қазақ отбасына келін болып түскен Жолдасы Серік екеуі үш бала тәрбиелеп, шаңырақтың түтінін түтетіп отырған үлгілі жас отбасылардың қатарында. Байлықтың үлкені халықтар достығы деген Виолетта «келін болып түскен шаңырағымыздың түптіңін түзу шығуы маған байланысты екенін білемін» дейді.

– Қазақ жерінде туған соң мен мұнда өзімді еркін сезінемін. Ешкімді де жатсынбаймын. Анам қазақ болғасын да қазақ салт-дәстүрлерді біліп өстім. Бұл маған қазақ отбасына келін болып түскенімде көп көмегін тигізді. Қазақ халқы біздің әрбір ізімізді салтымызға, дініміз бен құндылықтарымызға сыйластықпен қарағанындай, біз де қазақ елінің салт-дәстүріне, ұлттық құндылықтарына құрметпен қараймыз. Барлық этнос өкілдері дана халықтың қонақжайлылығы мен бауырмалдылығын ерекше бағалайды деп ойлаймын. Бірлік болмай тірлік болмайтынын жақсы білеміз. Сондықтан ең әуелі бірлігімізден ажырамауымыз керек, – деген Виолеттаның сөзінен ұлтаралық достықтың біздің елде

шынымен барына қуандық.

Виолетта Бондаренко алғашқы еңбек жолын Жалағаш аудандық ауруханасында жұқпалы аурулар бөлімшесінде мейірбике болып бастаған. Он жылдан аса уақыттан бері өз ісіне деген сүйіспеншілігі мен жауапкершілігінің арқасында осы бөлімшедегі тәжірибелі мамандардың қатарында. Ақ халатты абзал жанның өте жауапты ер күрделі бөлімшеде осындай уақыт үздіксіз еңбек етуі оның кәсіби маман екеніне дәлел болмақ. «Адамдарды емдеу, ауруына шипа іздегендерге қол ұшын беру, елдің алғысын алу мен үшін бірінші орында» дейді Виолетта бір сөзінде.

Кейіпкеріміз қазір бала күтіміндегі демалыста екен. Үш ай енді ғана болған балапанының күтімін жасап, жолдасының жағдайына мән беріп отыр. Виолеттаның айтуынша, оның өз ата-анасы да бір-біріне деген сыйластығы жарасқан жандар. Анасы қазақ, әкесі украин ұлтынан болса да бұл отбасындағы өзара түсіністік, ата-анасының тәрбиесі Виолеттаға өмірлік азық болып отыр. «Бала – ата-ананың айнасы» дейді ғой, Виолетта да өз отбасында көріп өскен сыйластықты, береке мен бірлікті қалыптастырып, бөлек бөлек шаңырағында сақталуына күш салып келеді. Ең бастысы, елдегі тыныштық пен әр отбасындағы жарасымдылық екені даусызы.

Жалпы, тарихқа үңіліп қарайтын болсақ, халықтың бастан кешпеген қиындығы жоқ. Өздері небір қиыншылықпен күн кешіп отырса да, көңілі дархан, құшағы кең халық қонақжайлық танытып, талай тағдырды бір шаңырақ астына ұйыстырған басына бақ қонған қазақ елі 30 жылдан астам уақыт ішінде экономикасы қарқынды дамып, шет елдермен байланыс орнатып үлгерді. Бұл – барлығымыз үшін зор мақтанаш. Иә, расымен беріміз қазақстандықтардың мақсат-мүддесі ортақ, бірлігі бекем, достығы берік екенін білеміз. Украин ұлтының өкілі мұнда барлығы бір-бірінің салт-дәстүріне дейін аса құрметпен қарайтынына ризашылығын білдірді. Бірақ отбасындағы берекенің сақталуы ұлтқа байланысты емес, бірлікте екенін жете түсінеді. Шаңырағындағы шаттықтың еркез жарасымы жалғасын таба беруді де осыдан болса керек.

Тамыры тереңде жатқан Жалағаш жері де талай ұлт пен ұлысты өзге деп бөле-жармай, туыстық қарым-қатынас орнатты. Елде тыныштық пен бірлік болса, алдағы уақытта да аудан экономикасының қарқынды дамуына құтты қадам жасалып, өңір халқының қолдауымен қыруар жұмыс жүзеге асырылады деп ойлаймыз. Ең бастысы, бірлігімізден қол үзбесек, іргемізді берік ұстасақ болды.

Нұржамала АЛМАСҚЫЗЫ

Меншік иесі:
СЫР МЕДИА
жауапкершілігі шектеулі серіктестігі

Бас директор
Аманжол ОҢҒАРБАЕВ
Жалағаш аудандық
“Жалағаш жаршысы” газетінің редакциясы
Бас редактор
Кенжетай ҚАЙРАҚБАЕВ

Телефондар:
Бас директор - 8(7242) 70-00-36
Бас редактор - 32-0-41
Бас редактордың орынбасары, жауапты хатшы, бөлімдер - 31-5-75

Газет Қазақстан Республикасы Ақпарат және коммуникациялар министрінің Ақпарат комитетінде 16 сәуір 2019 жылы қайта тіркеліп, №17662-Г куәлігі берілген.
“Жалағаш жаршысы” аудандық газеті КР СТ ISO 9001:2016 (ISO 9001:2015) “Сапа менеджменті жүйелері” талаптарына сәйкес KZ.4310318.07.03.01178 нөмірімен сертификатталған.
Газет әр аптаның *сейсенбі, сенбі күндері шығады.*
Қолжазбалар өңделеді және кері қайтарылмайды.
Жеке авторлардың пікірі редакцияның түпкілікті көзқарасын білдірмейді.
Жарнама мазмұнына жарнама беруші жауапты.

Газет редакцияның компьютер орталығында теріліп, беттеліп, «ASU» баспа үйі» ЖШС сенімгерлік басқаруындағы «Сыр медиа» ЖШС баспаханасында басылды.
Тел.: 8(7242) 40-06-68.
Газеттің таралымы бойынша 31-5-75 нөмісе 8 (7242) 70-14-08 телефон нөміріне хабарласуға болады.

Таралымы 3097 Тапсырыс № 322